

十六



詩紀卷之八十一

梁十八

吳均

字叔庠吳興故章人也好學有俊才天監初柳惲為吳興召補主簿日引與賦詩均文體清拔有古氣好事者效之詩為吳均體建安王引為記室尋為國侍郎還除奉朝請奉詔撰通史未就而卒

樂府

戰城南

蹀躞青驪馬往戰城南畿五歷魚麗陣三入九重圍名懼武安將血汗秦王衣為君意氣重無功終

不歸

又

此與下篇藝文失題列戰城南後英華遂以為題當再考

前有濁樽酒

一作酒尊

憂思亂紛紛小來

一作少年

重意氣

學劍不學文忽值胡關靜匈奴遂兩分天山已半

出龍城無片雲漢世平如此何用李將軍

又

詩彙作胡無人行

陌上何諠諠匈奴圍塞垣黑雲藏趙樹黃塵埋隴

垠天子羽書勞將軍在玉門

闕

雒子班

可憐雒子班羣飛集野甸文章始陸離意氣已驚

猶幽并遊俠子直心亦如箭生歿報君恩誰能孤

恩眄

入關

羽檄起邊庭烽火亂如螢是時張博望夜赴交河

城馬頭要落日劍尾掣流星君恩未得報何論身

命傾

梅花落

終冬十二月寒風西北吹獨有梅花落飄蕩不依

詩紀

卷之八 梁

三

詩經 卷之十八
枝流連逐霜彩散漫下冰澌何當與春日共映芙蓉池

城上烏

嗚嗚城上烏翩翩尾畢逋凡生八九子夜夜啼相呼質微知慮少體賤毛衣麤陛下三萬歲臣至執金吾

從軍行

男兒亦可憐立功在北邊陣頭橫却月馬腹帶連錢懷戈發隴坻乘凍至遼川微誠君不愛終自直

如弦

胡無人行

劍頭利如苾恒持照眼光鐵騎追驍虜金羈討黠羌高秋八九月胡地早風霜男兒不惜死破膽與君嘗

雉朝飛操

二月雉朝飛橫行傍壠歸斜看水外翟側聽嶺南翬躑躅恒欲戰耿耿恃疆威當令君見賞何辭碎錦衣

言
卷之八
渡易水

一作荆軻歌

襍虜客來齊時余在角觝揚鞭渡易水直至龍城西日昏笳亂動天曙馬爭嘶不能通瀚海無面見三齊

結客少年場

結客少年歸翩翩駿馬肥報恩殺人竟賢君賜錦衣握蘭登建禮拖玉入含暉顧看草玄者功名終自微

妾安所居

賤妾先有寵蛾眉進不遲一從西北麗無復城南期何因一作暫艷逸豈爲乏妍姿徒有黃昏望寧遇青樓時惟惜應門掩方餘永巷悲匡牀終不共何由橫自私

送歸曲

送子獨南歸攬衣空憫默關山晝欲暗河水夜向塞燕至他人鄉鴈去還誰國寄子兩行書分明達濟北

夾樹

詩經 卷之十八
桂樹夾長陂復值清風吹氛氲揉芳葉連綿交密
枝能迎春露點不逐秋風移願君長惠愛當使歲
寒知

城上麻

麻生滿城頭麻葉落城溝麻莖左右披溝水東西
流少年感恩命奉劍事西周但令直心盡何用返
封侯

擬古四首

陌上桑

嫋嫋陌上桑陰陌復垂塘長條映白日細葉隱鸝
黃蠶饑妾復思拭淚且提筐故人寧知此離恨煎
人腸

秦王卷衣

咸陽春草芳秦帝卷衣裳玉檢茱萸匣金泥蘇合
香初芳薰複帳餘輝耀玉牀當須晏朝罷持此贈
華陽

一作龍陽

采蓮曲

錦帶襍花鈿羅衣垂綠川問子今何去出采江南

蓮遼西三千里欲寄無因緣願君早旋返及此荷
花鮮

攜手曲

艷裔陽之春攜手清洛濱雞鳴上林苑薄暮小平
津長裾藻白日廣袖帶芳塵故交一如此新知詎
憶人

采蓮曲

初學作元帝題云
賦得涉江采芙蓉

江風當夏

一作夜

清桂娥

一作權

逐流縈初疑京兆劍

復似漢冠名荷香帶風遠蓮影向根生葉卷珠難

溜花舒紅易傾日暮鳧舟滿歸來度錦城

三婦艷詩

大婦絃初切中婦管方吹小婦多姿態含笑逼清
卮佳人勿餘及殷勤妾自知

大垂手

以下二首藝
文作簡文帝

垂手忽迢迢飛燕掌中嬌羅衫恣風引輕帶任情
搖詎似長沙地促舞不回腰

小垂手

舞女出西秦躡影舞陽春且復小垂手廣袖拂紅

言終
卷之十八
九
塵折腰應兩笛頓足轉雙巾蛾眉與曼臉見此空
愁人

有所思

薄暮有所思終持淚煎骨春風驚我心秋露傷君
髮

雍臺

雍臺十二樓樓樓鬱相望隴西飛狐口白日盡無
光

楚妃曲

春妝約春黛如月復如蛾玉釵照繡領金薄厠紅
羅

白浮鳩

瑯琊白浮鳩紫翳飄陌頭食飲東莞野棲宿越王
樓

陽春歌

紫苔初泛水連綿浮且沒若欲歌陽春先歌青樓
月

別鶴

歡樹垂條照彩拂鳳樓遊俠少年游上路傾心傾
倒想戀慕摩頂至足買片言開胸瀝膽取一顧自
言家在趙邯鄲翩翩舌杪復劍端青驪白駿的盧
馬金羈綠鞵紫絲鞚躑躅橫行不肯進夜夜汗血
至長安長安城中諸貴臣爭貴儒者席上珍復聞
梁王好學問輕棄劍客如埃塵吾丘壽王始得意
司馬相如適被申大才大辯尚如此何況我輩輕
薄人

君不見西陵田從橫十字成陌阡君不見東郊道
荒涼蕪沒起寒煙盡是昔日帝王處歌姬舞女達
天曙今日翩妍少年子不知華盛落前去吐心吐
氣許他人今日旦迴惑生猶豫山中桂樹自有枝心
中方寸自相知何言歲月忽若馳君之情意與我
離還君玳瑁金雀釵不忍見此使心危

君不見長安客舍門倡家少女名桃根貧窮夜紡
無燈燭何言一朝奉至尊至尊離宮百餘處千門
萬戶不知曙唯聞啞啞城上烏玉欄金井牽轆轤
丹梁翠柱飛流蘇香薪桂火炊雕胡

一作
彫菰當年翻

覆無常定薄命爲女何必麤

樂府玉臺並作費昶

君不見上林苑中客冰羅霧縠象牙席盡是得意

忘言者探腸見膽無所惜白酒甜鹽甘如乳綠觴

皎鏡華如碧少年持名不肯嘗安知白駒應過隙

博山鑪中百和香鬱金蘇合及都梁透迤好氣佳

容貌經過青瑣歷紫房已入中山馮

玉臺作陰

后帳復

上皇帝班姬牀班姬失寵顏不開奉帝供養長信

臺日暮耿耿不能寐秋風切切四面寒玉階行路

生細草金鑪香炭變成灰得意失意須臾頃

一作間

非君方寸逆所裁

詩

王侍中夜集

抽蘭開石路剪竹製山屏文淪見綠水參差隱翠

微西山採藥至東都謝病歸紡毛織野服縫芟作

山衣欲知三青鳥簷上素雲飛

登鍾山燕集望西靜壇

客思何以緩春郊滿初律高車陸離至駿騎差池

出寶椀汎蓮花珍杯食竹實才勝商山四文高竹

詩已

詩經 卷之十八
林七復望子喬壇金繩蘊綠帙風雲生屋宇芝映
被仙室方隨鳳凰去悠然駕白日

與柳惲相贈答六首

黃鸝飛上苑綠芷出汀洲日映昆明水春生鳩鵲
樓飄颺白花舞瀾漫紫萍流書織迴文錦無因寄
隴頭思君甚瓊樹不見方離憂
鳴鞭適大阿聯翩渡漳河燕姬及趙女挾瑟夜經
過織腰曳廣袖半額畫長蛾客本倦遊者箕帚在
江沱故人不可棄新知空復何

離居苦無樂回慕心悽悽要途訪趙使聞君仕執
珪杜蘅色已發菖蒲葉未齊羃歷蠶餌蜜差池燕
吐泥願逐東風去飄蕩至遼西

白日隱城樓勁風掃寒木離枿隔東西執手異涼
燠相思咽不言洞房清且肅歲去甚流煙年來如
轉軸別鶴千里飛孤雌夜未宿

閒房肅已靜落月有餘輝寒蟲隱壁思秋蛾繞燭
飛絕雲斷更合離禽去復歸佳人今何在迢遞江
之沂一爲別鶴弄千里淚沾衣

詩經 卷之十八
秋雲靜晚天寒夜方綿綿聞君吹急管相思雜采
蓮別離未幾日高月三成弦蹀躞黃河浪嘶唱隴
頭絃寄君靡蕪葉插著叢臺邊

答柳惲

清晨發隴西日暮飛狐谷秋月照層嶺寒風掃高
木霧露夜侵衣關山曉催軸君去欲何之參差間
原陸一見終無緣懷悲空滿目

贈柳真陽

王孫清且貴築室芙蓉池羅生君子樹襟種女貞

枝南牕帖雲母北戶映瑠璃街書轆轤鳳坐水玉
盤螭朝衣茱萸錦夜覆葡萄卮聯翩驂赤兔窈窕
駕青驪龍泉甚鳴利如何獨不知

贈任黃門二首

相如體英彥左右生容輝已紆漢帝組復解梁王
衣經過雲母扇出入千金一作金門扉連洲茂芳杜長

山鬱翠微欲言終未敢徒然獨依依

一作默默
獨依依

紛吾少馳騁自來乏名德白玉鏤衢鞍黃金瑪瑙
勒射鵬靈丘下驅馬鴈門北殷勤盡日華畱連窮

景黑歲暮竟無成憂來坐默默

酬蕭新浦王洗馬二首

蕭子雲封新浦侯
王筠爲太子洗馬

始可結交者文酒滿金壺圍碁帝臺局繫馬秦王
蒲長劍皆玉具短笛悉銀塗送歸日愁滿留客袂
紛吾今成桓山上秋風星散烏

思君出江湄慷慨臨長薄獨對東風酒誰舉指南
酌崇蘭白帶飛青鳩紫纓絡一年流淚同萬里相
思各胡爲舍旃去故人在宛洛

答蕭新浦

僕本二陵徒英豪多久要角觝良家兒期門惡年

少身

一作腰

紆丈二組手擎尺一詔問子行何去高

帆艤江干今夜杯酒別明朝江水邊莓莓看細雨
漠漠視濃煙颯灑八銅剪低昂五會船欲知故人
者江南共采蓮悒然心不樂跨馬出城壕觀濤看
白鷺望草見青袍青袍行中把蔽草覆平野公子
不垂堂紛紛故交者肘懸辟邪印屋曜鴛鴦瓦翩
翩流水車蕭蕭曳練馬是時君別我青莎沒馬蹄
連連文蠶蠶鷺鷺伺朝鷄今日予懷友積恨

一作雪

滿東西

酬周參軍

日暮憂人起倚戶
 悵無懽水傳洞庭
 遠風送鴈門
 寒江南霜雪重
 相如衣服單
 沈雲隱喬集作高
 樹細
 雨滅層巒且當對樽酒
 朱絃永夜彈

贈杜容成

帝王集作簡文帝詠燕今從玉臺作吳均

一燕海上來一燕高堂息一朝相逢遇依然舊相

一作識問余一作我來何遲山川幾紆直答言海路

長風駛多一作飛無力昔別縫羅衣春風初入帷今

來夏欲晚桑扈

一作桑蛾薄樹飛

贈朱從事

我行欲何之千里尋膠漆
 長葭歷渚生踈蒲綠岸
 出裊裊能隨風離離堪度日
 客思已飄蕩相思復
 非一未得幸殷勤先作數行泣

贈搖郎

一作姚

星漢正參差佳人不在斯
 宿昔暫乖阻何異遠分
 離露染蘼蕪葉日照芄蘭枝
 風光已飄薄雲采復
 逶迤勞夢無人覺默默心自知

贈王桂陽別三首

昔聞楊伯起拖金

一作玉

振清風高華積海外名實

滿山東自有五都相非無四世公臨牕驚白日倚

匣曳輕虹願持鷓鴣羽歲暮依梧桐

客子慘無歡送別江之干白雲方渺渺黃鳥尚關

關糾紛巫山石合沓洞庭瀾行衣侵曉露征舫犯

夜湍無因停合浦見此去

一作玄

珠還

樹響浹山來猿

一作溪

聲繞岫急旅帆風飄揚行巾

露沾濕溪浪闇蒹葭濃雲沒城邑不見別離人獨

有相思泣

酬別江主簿屯騎

有客告將離贈言重蘭蕙泛舟當泛濟結交當結

桂濟水有清源桂樹多芳根毛公與朱亥俱在信

陵門趙瑟鳳凰柱吳醵金壘樽我有北山志畱連

為報恩夫君皆逸翮搏景復凌騫白雲閒海樹秋

日暗平原寒蟲鳴趨趨落葉飛翻翻何用贈分首

自有北堂萱

酬別

一作王筠詩題云酬張淮南別

故人杯酒別天清，明月露下寒葭中。風起秋江
上衣染潺湲，泣一作棹犯參差。浪七首直千金，七
寶雕華裝。側亮反生離何用表，賴此持相餉。

贈別新林

一作江潭怨

僕本幽并兒，抱劍事邊陲。風亂青絲絡，霧染黃金
羈。天子既無賞，公卿竟不知。去去歸去來，還傾鸚
鵡杯。氣爲故交絕，心爲新知開。但令寸心是何須，
銅雀臺。

發湘州贈親故別三首

相送出江濤，淚下沾衣襟。何用敘離別，臨岐贈好
音。敬通才如此，君山學復深。明哲遂無賞，文華空
見沈。古來非一日，無事更勞心。

雲生曉靄靄，花落夜霏霏。問余何意別，答言倦遊
歸。徒勞易水布，空負洛陽衣。懷金無人別，抱玉遂
成非。安得久畱滯，商山饒白薇。

君畱朱門裏，我至廣江濱。城高望猶見，風多聽不
聞。流蘋方繞繞，落葉向一作紛紛。無由得共賞，山

川間白雲

同柳吳興烏亭集送柳舍人

河陽一悵望南浦送將歸雲山離曉曖花霧共依
霏流連百舌哢下上陽禽飛桂舟無淹柅玉軫有
離微願君嗣蘭杜時采東臯薇

同柳吳興何山

湖州山名

集送劉餘杭

王孫重離別置酒峰之巖透迤川上草參差澗裏
薇輕雲紉遠岫細雨沐山一作單衣簷端水禽息牕
上野螢飛君隨綠波遠我逐清風歸

送柳吳興竹亭集

平原不可望波瀾千里直夕魚汀下戲暮雨簷中
息白雲時去來青峯復負側躑躅牛羊下晦昧崦
嵒色王孫猶未歸且聽西光匿

初至壽春作

桓譚不賣交馮子任紆直浮漪逐波影飄揚恣風
力北州少知舊南陽寡相識中駕每傾輪當騫復
摧翼望美無津梁私自憐何極

登壽陽八公山

遠澗自傾曲石漱復粲粲含珠岸恒翠懷玉浪多

言系
卷之十八
十七
圓踈峯時吐月密樹不開天瑤繩盡玄祕金檢上
竒篇是有琴高者陵波去水仙

壽陽還與親故別

故人來送別帳酒臨行阡露繁秋色慢氣愴蟪聲
煎鴈渡章華國葉亂洞庭天復有向隅淚中腸皆
涕漣但願千丈松結景雲之峯山高日華早枝多
風彩重我還愛芳杜君住揖驪龍

邊城將四首

塞外何紛紛胡騎欲成羣爾時始應募來投霍冠
軍刀含四尺影劍抱七星文袖間血灑地車中旌
拂雲輕軀如未殞終當厚報君

僕本邊城將馳射靈關下箭銜鴈門石氣振武安
瓦勲輕賞廢丘名高拜橫野雷書應鑿楹傳功須
勒社徒傾七尺命酬恩終自寡

聞君報一餐遠送出平野玉標丹霞劍金絡艷光
馬高旗入漢飛長鞭歷地寫曙星海中出曉月山
頭下歲晏坐論功自有思臣者

臨淄重蹴鞠曲城好擊刺不要身後名專騁眼前

言終卷之十八
智君看班定遠立功不負義掣拽二丈旗躑躅雙
鳧騎但問相知否歿生無險易

秋念

團團珠暉轉炤炤漢陰移箕風入桂露壁月滿一作
下瑤池樹青草未落蟬涼葉已危還深長夜想顧
憶臨卣卮芳杜果蕪沒纓帶欲何爲

春怨

四時如湍水飛奔競迴復夜鳥響嚶嚶朝花照煜
煜厭見花成子多看筍成一作竹萬里斷音書十

載異棲宿積愁落芳髮長啼壞美目君去往榆關
妾畱住函谷唯對昔邪房如愧蜘蛛屋獨喚響相
酬還持影自逐象牀易瓊簾羅衣變單複幾過度
風霜猶能保乳獨

采藥大布山

我本北山北緣澗采山麻九莖日反一作照三葉
長生花可用蠲憂疾聊持駐景斜景斜不可駐年
來果如驅安得崑崙山偃蹇三珠樹三珠始結茲
絳葉凌朱臺玉壺白鳳肺金鼎青龍胎韓衆及王

子何世無仙才安期儻欲顧相見在蓬萊

詩紀卷之八十一終

詩紀卷之八十二

梁十九

吳均二

贈周散騎興嗣二首

子雲好飲酒家在成都縣製賦已百篇彈琴復千
轉敬通不富豪相如本貧賤共作失職人包山一
相見

昔一作吾賢當路者聲名振華夏朱輪玳瑁車紫鞵

連錢馬朝花舞風去一作中夜月窺牕下想君貴易

詩紀

朋居然應見捨

贈周興嗣四首

見文苑英華註

孺子賤而貧且非席上珍
唯安萊蕪餽兼慕林宗
巾百年逢繼綵千里遇殷勤
願持江南蕙以贈生芻人

思君欲何言中心亂如霧
淚下非一端愁來誰有數
子為馮敬通不減汲長孺
千里無關梁安得王喬履

與君初相知不言異一宿意欲褰衣裳
陰雲亂人目之子伏高臥伊余空杼軸
無因渡淇水見此猗猗竹

可怨異疑作思公子終自不敢言
青松蔽南隴白雲生北園
沉憂無人語默念空憑軒
安得湛盧劍以報相知恩

答吳均三首

周興嗣

字思慕項郡人

世居姑熟遷負外散騎侍郎給事中直西省左衛率

明燈照暗室邊韶對趙壹
但酌中山酒唯甘江浦橘
風動雲入箕雨至月離畢
王丹贈不拜是

言絲
卷之十
二
我相知日

後漢王丹贈陳遺以不拜

驚鳧起北海儀鳳飛上林
騫低不同翼歡楚亦殊音
曠曠夕雲起落落曉星沉
李陵報蘇武但令知我心

昔別襄城村同會長安市
誰學萊蕪醜本得王喬履
堦前養素鶴池中飴赤鯉
一往玉壺上兼復見蕭史

入蘭臺贈王治書僧孺

故人揚子雲校書麟閣下
寂寞少交遊紛綸富文雅
予爲隴西使寓居洛陽社
相思非不深行行避驄馬

江上酬鮑幾

振棹出江湄依依望九疑
欲謁蒼梧帝過問沅湘
姬折荷縫作蓋落羽紡成絲
吾行別有意不爲君道之

贈柳秘書

蕪蕪與丹桂竒心復竒骨
已蔽蒼龍門又影鳳皇
闕紫雲依夜來清風扶晚發
鴛鴦若上天寄聲謝

明月

詣周承不值因贈此詩

承一作丞
後倣此

竹枝任風轉蘭心逐風卷青雲葉上團白露花中
泫聞君入騎踈聊寄錦中書一隨平原客寧憶豫
章徐

遙贈周承

巨石亂天崖雜樹鬱參差伯魚留蜀郡長房還葛
陂練練波中月亭亭雲上枝高岑蔽人者無處得
相知

周承未還重贈

石渠閫無人子雲今何在顧望獨懷一作凝憂銜杯
竟誰待散雪逐吹寒蓬姿浮霜采甘泉無竹花鷓
鷯欲還海

贈王桂陽

松生數寸時遂為草所沒未見籠雲心誰知負霜
骨弱榦可摧殘纖莖易凌忽何當數千尺為君覆
明月

酬郭臨丞

詩已

卷之七

四

聞君立名義我亦倦長征馬在城上蹀劍自腰中
 鳴白日遼川暗黃塵隴坻驚願君但銜酒淡知有
 素誠

憶費昶

皎皎日將上獵獵起微風山沒清波內帆在浮雲
 中直趣珠星北斜開碧海東故人若思我當念離
 根蓬

酬聞人侍郎別三首

悵然心不樂萬里向悠悠凌朝憇枉渚薄暮遵江

洲君住青門上我發霸陵頭相思自有處春風明

月樓一作明月
清風樓

整棹北川湄迴首望城邑林疎風至少山高雲度

急共懷萬里心各作千行泣欲見終無緣思君空

佇立

舉首川之折當作沂離鴻四向飛子憐三湘薛說文薛與

薛同我憶五陵薇但使同嘉遁何必共輕肥思君

美如玉不覺淚沾衣

贈鮑春陵別

卷之十九
五
落葉思紛紛蟬聲猶可聞水中千丈月山上萬重
雲海鴻來倏去林花合復分所憂別離意白露下
霑裙

別王謙

嚴光不逐世流轉任飛蓬欲還天台嶺不狎其泉
宮離歌玉絃絕別酒金卮空倘遺故人念僕在東
山東

奉使廬陵

悵然不自怡端憂坐漠漠風急鴈毛斷冰堅馬蹄
落客子饑寒多江上衣裝薄何當報恩罷驅車還
北郭

迎柳吳興道中

團團日西靡客念已蹉跎長風倒危葉輕練網寒
波白雲光彩麗青松意氣多所言飽恩德忘我北
山蘿

至湘洲望南嶽

重波淪且直連山糾復紛鳥飛不復見風聲猶可
聞隴隴樹裏月飄飄水上雲長安遠如此無緣得

言
卷之十九
六
報君

登二妃廟

朝雲亂入

當作人

目帝女湘川宿折菡巫山下采荇

洞庭腹故以輕薄好千里命艫舳何事非相思江

上歲蕤竹

詠懷二首

僕本報恩人走馬救東秦黃龍暗迢遞青泥寒苦
辛野戰劍鋒盡攻城才智貧唯餘一死在畱持贈
主人

元淑勢位卑長卿宦情寡二頃且營田三錢聊飲
馬懸風白雲上挂月青山下心中欲有言未得忘
言者

古意七首

雜虜寇銅鞮征役去三齊扶山剪䟽勒傍海掃沈
黎劍光夜揮電馬汗晝成泥何當見天子晝地取
關西

匈奴數欲盡僕在玉門關蓮花穿劍鏑秋月掩刀

環春機思

一作鳴

窈窕及鳥鳴

一作思

綿蠻中人坐相

望狂夫終未還

西都盛冠蓋九達塵霧塞中有惡少年伎能專自得玉鞭蓮花劍金苕流星勒聊為路傍人寫鞞長

楸北

賤妾思不堪採桑渭城南帶減連枝繡髮亂鳳皇

簪一作花舞依長薄蛾一作飛愛綠潭無由報君

信流涕向春蠶英華題云和蕭洗馬古意

妾本倡家女出入魏王宮既得承瑀輦亦在更衣

中蓮花街青雀寶粟鈿金蟲猶言不得意流涕憶

遼東

何處報君書隴右五岐路泪研兔枝墨筆染鵝毛

素碧浮孟渚水香下洞庭路應歸遂不歸芳春空

擲度

妾家橫塘北發艷小長干花釵玉宛轉珠繩金絡

紈一作幕屋懸丹一作鳳透迤搖白團誰能分見

此含恨不能言一作誰堪久見此含恨不相看

閨怨二首

胡笳屢悽斷征蓬未肯還妾坐江之介君戍小長

詩

安相去三千里參商書信難四時無人見誰復重
羅紈

春草可攬結妾心正斷絕綠髮愁中改紅顏啼裏
滅非獨淚成珠亦見珠成血願爲飛鵲一作雙鵲鏡翩

翩照離別

玉臺作古意

去妾贈前夫

棄妾在河橋相思復相遼鳳皇簪落髮蓮花帶緩
腰腸從別處斷貌在淚中消願君憶疇昔片言時
見饒

詠少年

樂府作少年行

董生唯巧笑子都信美目百萬市一言千金買相
逐不道參差菜誰論窈窕淑願言捧繡被來就越
人宿

詠雪

微風搖

一作過

庭樹細雪下簾隙縈空如霧轉凝階

似花積不見楊柳春徒看桂枝白零淚無人道相
思空何益

雪

雪逐春風來過集巫山野瀾漫雖可愛悠一作揚

詎堪把問君何所思昔日同心者坐須風雪霽相

期洛城下

春詠集作春日

春從何處來拂水復驚梅雲障青瑣闥風吹承露
臺美人隔千里羅幃閉不開無由得共語空對相
思杯

共賦韻詠庭中桐

龍門有奇價自言梧桐枝華暉實掩映細葉能披
離不降周王子空待歲時移嚴風忽交勁遂使無
人知

詠柳

細柳生堂北長風發鴈門秋霜常振葉春露詎濡
根朝作離蟬宇暮成宿鳥園不為君所愛摧折當
何言

主人池前鶴

本自乘軒者為君階下禽摧藏多好貌清唳有奇
音稻梁惠既重華池遇亦深懷恩未忍去非無江

海心

寶劍

我有一寶劍出自昆吾溪照人如照水切玉如切
泥鐔邊霜凜凜匣上風淒淒寄語張公子何當來
見携

詠燈

昔在鳳皇闕七采蓮花莖陸離看寶帳爛熳照文
屏檐艷煙光轉氛氲霧裏輕能方三五夜桂樹月
中生

別夏侯故章

白馬黃金羈青驪紫絲鞵新知關山別故人河梁
送置此一函書為余達雲夢

以服散鎗贈殷鈞

玉鉉布交文金丹煥仙說九沸翻成緩七轉良為
切執以代疏麻長貽故人別

梅花

梅性本輕蕩世人相陵賤故作負霜集作雪花欲使
綺羅見但願深相知當作摧非所戀

言
卷之十九
十一
征客

公卿來悵別葭聲在狹斜玉樽浮雲蓋朱輪流水
車鞅中懸明月劍杪照蓮花

關

雜句四首

晝蟬已傷念夜露復沾衣昔別曾何道今夕螢光

飛

錦腰連枝滴

一作理

繡領合歡斜夢中誰不見終成

亂眼花

蜘蛛簷下挂絡緯井邊啼何曾得見子照鏡牕東

西

泣聽離夕歌悲銜別時酒自從今日去當復相思
否

山中雜詩三首

一作還山

出
山際見來煙竹中窺落日鳥向簷上飛雲從牕裏

綠竹可克食女蘿可代裙山中自有宅桂樹籠青
雲

具區窮地險嵇山萬里餘柰何梁隱士一去無還

書

詠雲二首

一作浮雲

飄飄上碧虛
藹藹隱青林
氛氲如有意
縈鬱詎無心

白雲蒼梧來
過拂章華臺
逢河散復卷
經風合且開

詠慈姥磯石上松

根為石所蟠
枝為風所碎
賴我有貞心
終凌細草輩

送呂外兵

白雲浮海際
明月落河濱
送君長太息
徒使淚沾巾

傷友

可憐桂樹枝
懷芳君不知
摧折寒山裏
遂死無人窺

周興嗣

字思纂 項郡人 世居姑熟 遷員外散騎侍郎 給事中 直西省 左衛率

答吳均三首

明燈照暗室
邊韶對趙壹
但酌中山酒
唯甘江浦

橘風動雲入箕雨至月離畢王丹贈不拜是我相

知日後漢王丹贈陳遺以不拜

驚鳧起北海儀鳳飛上林鶯低不同翼歡楚亦殊

音曠曠夕雲起落落曉星沈李陵報蘇武但令知

我心

昔別襄城村同會長安市誰學萊蕪甌本得王喬

履堦前養素鶴池中飴赤鯉一往玉壺上兼復見

蕭史

詩紀卷之八十二終

詩紀卷之八十三

梁二十

何遜字仲言東海鄉人承天曾孫也天監中起家奉朝請遷建安王水曹參軍王愛文學

日與宴遊及遷江州遜猶掌書記復為安西

安成二王參軍事兼尚書水部郎除廬陵王

記室復隨府江州未幾卒○南史本傳云遜

舉秀才范雲見其對策大相稱賞因結忘年

交好自是一文一詠雲輒嗟賞謂所親曰頃

觀文人質則過懦麗則傷俗其能舍清濁中

樂府

銅雀妓

今古見之何生矣沈約嘗謂遜曰吾每讀卿

詩一日三復猶不能已其為名流所稱如此

秋風木葉落蕭瑟管絃清望陵歌對酒向帳舞空

城寂寂簷

一作簾

宇曠飄飄帷幔輕曲終相顧起日

暮松栢聲

擬輕薄篇

城東美少年重身輕萬億柘彈隨珠九白馬黃金

飾一作勒

長安九逵上青槐陰道植轂擊晨已喧肩

排暝不息走狗通西望牽牛亘南直相期百戲傷

去來三市側象牀沓繡被玉盤傳綺食倡女掩歌

扇小婦開簾織相看獨隱笑見人還歛色黃鵠悲

故羣山枝詠新識鳥飛過客盡雀聚行龍匿酌羽

方厭厭此時懽未極

門有車馬客

樂府作何安

門有車馬客言是故鄉來故鄉有書信縱橫印檢

開開書看未極行客屢相識借問故鄉來潺湲淚

不息上言離別久下言望應歸寸心將夜鵠相逐

向南飛

昭君怨

樂府作何安

昔聞白鶴弄已自軫離情今來昭君曲還悲秋草

生

詩

九日侍宴樂游苑

為西封侯作

皇德無餘讓重規襲帝勛垂衣化比屋瞻顧慎為君
翺飛悅有道卉木荷平分宸襟動時豫歲序屬涼氛
城霞旦晃朗槐霧曉氛氲鸞輿和八襲鳳駕啓千羣
羽觴懽湛露佾舞奏承雲禁林終宴晚華池物色曛
疏樹翻高葉寒流聚細紋晴軒連瑞氣一作惹御香芬
日斜迢遞宇風起嗟我雲運偶

參侯服恩洽厠朝聞於焉藉多幸歲暮仰遊汾

登石頭城

關城乃形勢地險差非一馬嶺逐紆回大牙傍隆
宰百雉極襟帶億庾兼量出至理歸無為善守竟何恤
眺聽窮耳目遠近備幽悉擾擾見行人暉暉視落日連
檣入迴浦飛蓋交長術天暮遠山青潮去遙沙出薄宦
愿師表屬辭慙愈疾願乘殼棘牛還隱蒙籠室

望解前水竹答崔錄事

拾遺作顧則心詩

蕭蕭藜竹映澹澹平湖淨葉倒漣漪文水漾檀欒
影相思不會面相望空延頸遠天去浮雲長墟斜
落景幽痾與歲積賞心隨事屏鄉念一遭迴白髮
生俄頃

暮秋答朱記室

游揚日色淺騷屑風音勁寒潭見底清風色極天
淨寸陰坐銷鑠千里長遼迴桃李爾繁華松栢余
本性故心不存此高文徒可詠

送別不及贈何殷二記室

朱記室

憑軾徒下淚裁書路已賒遠鼓依林響連檣倚
岸斜山開雲吐氣風憤浪生花卽此余傷別何
倫爾望家二君勗琬琰無使沒泥沙

酬范記室雲

林密戶稍陰草滋堦欲暗風光蓋上輕日色花中
亂相思不獨懽佇立空爲歎清談莫共理繁文徒
可玩高唱子自輕繼音子可憚

貽何秀才

范雲

桂葉竟穿荷蒲心爭出沒有鷺驚蘋芰綿蠻弄
藤蘿臨花空相望對酒不能歌聞君饒綺思摘
揆足爲多布鼓誠自鄙何事絕經過

落日前墟望贈范廣州雲

綠溝綠草蔓扶援雜華舒輕煙澹柳色重霞映日

餘遙遙長路遠

一作晚

寂寂行人踈我心懷碩德思

欲命輕車高門盛遊侶誰肯進畋魚

答何秀才

范雲

少年射策罷擢第雲臺中已輕淄水耄復笑廣

州翁麟閣佇讐校虎觀遲才通方見雕篆合誰
與畋漁同待爾金閨比余藝青門東

日夕望江山贈魚司馬

湓城帶湓水湓水縈如帶日夕望高城耿耿青雲
外城中多宴賞絲竹常繁會管聲已流悅弦聲復
凄切歌黛慘如愁舞腰凝欲絕仲秋黃葉下長風
正騷屑早鴈出雲歸故燕辭檐別晝悲在異縣夜
夢還洛汭洛汭何悠悠起望西南樓

一作西樓

登的的

帆向浦團團月映

一作隱

洲誰能一羽化輕舉逐飛

浮

答丘長史

宿昔敦遠遊名分乃異路千里泝波潮一朝披雲
霧從容捨密勿繾綣論襟趣披文極詆訶析理窮
章句明鍾信有待巨海誰能喻奔景驟西傾還途
忽東驚黃花發岸草赤葉翻高樹漁舟乍回歸沙
禽時獨赴宴年時未幾離歌倏成賦伊我念幽閑
夫君思贊務短翮方息飛長轡日先驅曝鱣
走逸翮康時務握手異沈浮佳期安可屢

贈何郎

丘遲

向夕秋風起野馬雜塵埃憂至猶如繞詎是故
人來檐際落黃葉堦前網綠苔遙情不入酒望
美信難哉

道中贈桓司馬季珪

晨纜雖同解晚洲阻共入猶如征鳥飛差池不可
及本願申羈旅何言異翔集君渡北江時詎今南
浦泣

夕望江橋示蕭諮議楊建康江主簿

言
卷之二十
夕鳥已西度殘霞亦半消風聲動密竹水影漾長
橋旅人多憂思寒江復寂寥爾情深鞏洛予念返
漁樵何因適歸願分路一揚鉤

寄江州褚諮議

自與君別離四序紛迴薄分手清江上念別猶如
昨追憶邊城遊奚尋平生樂俱登龍從嶺共坐透
迤閣清吹或忘歸繁文時間作連鉤戲淺草遊憶
遵長薄五載同衣裳一朝異睽索夫君頗留滯驂
駢未沃若伊家從入關終是填溝壑早秋正悽愴
餘暉晚銷鑠林葉下仍飛水花披未落如何隔千
里無由舉三爵因君奏采蓮爲余吟別鶴

入西塞示南府同僚

露清曉風冷天曙江晃一作光爽薄雲巖際出初月
波中上黯黯連嶂陰騷騷急沫響迴植急礙浪羣
飛爭戲廣伊余本羈客重睽復心賞望鄉雖一路
懷歸成二想在昔愛名山自知懽獨往情游乃落
魄得性隨怡養年事以蹉跎生平任浩蕩方還讓
夷路誰知羨魚網

言
卷之二十一
下直出谿邊望答虞丹徒敬

夫君美章句席丈珍梁楚伊余忝攝官含毫亦禁
阻直廬去咫尺心期得宴語休沐乃幽棲別離未
幾許佇立日將暮相思忽無緒谿北映初星橋南
望行炬九重不可越三爵何由舉

贈諸遊舊

弱操不能植薄伎竟無依淺智終已矣令名安可
希擾擾從役倦屑屑身事微少壯輕年月遲暮惜
光輝一塗今未是萬緒昨如非新知雖已樂舊愛
盡睽違望鄉空引領極目淚沾衣旅客長憔悴春
物自芳菲岸花臨水發江燕遶檣飛無由下征帆
獨與暮潮歸

贈族人秣陵兄弟

何思澄爲
秣陵令

吾宗昔多士文雅高縉紳小子無學術了寧困負
薪傷枝實紛亂領袖寄親姻名價齊兩許閨門比
三陳風力咸通邁藝業並紛綸元方振高羽洛令
初解巾自爾典名郡所在號清淳齊兒敢爲俗蜀
物豈隨身祿俸不妻子謳吟乃吏民孰云穢明德

言
卷之二十一
惟在中聖人若能遺酌我稱首當屬仁仲將本特
達坎塲猶賤貧方成天下士豈伊席上珍外情或
簡易內鑒甚人倫時然臨下邑摘伏信如神顧余
晚脫略懷抱日湮淪游宦疲年事來往厭江濱十
載猶先職一官乃任真土牛竟不進芻狗空重陳
羈旅無儔匹形影自相親蕭索高秋暮砧杵鳴四
隣霏霏入窻雨漠漠暗牀塵所思不可見邈若胡
與秦願子加餐飯良會在何辰

秋夕仰贈從兄寘南

堦蕙漸翻葉池蓮稍罷花高樹北風響空庭秋月
華寸心懷是夜寂寂漏方賒撫絃乏歡娛臨觴獨
歎嗟悽愴戶涼入徘徊櫺影斜無爲淹戚里見就
還田家

答何秀才

何寘南

自憐耿不寐擁褐至宵闌蒼芒曙月落切戾曉
風酸終朝長守饑疊夜抱餘寒周道坦且集作
旣
直弱命溘將殫靈臺聊寄止戚里豈餘歡思家
無積歛何以拯急難

詩經 卷之二十一 九
仲贈從兄興寧寘南

家世傳儒雅貞白仰餘徽宗派已孤狹財產又貧
微棲息同蝸舍出入共荆扉松筆時臨沼蒲簡得
垂帷幸逢四海泰日月耀增輝相顧無羽翮何由
總奮飛一朝異言宴萬里就睽違遠江飄素沫高
山鬱翠微相思對森森相望隔巍巍死灰終不然
長岑且未歸當憐此分袂脉脉淚沾衣

贈江長史別

二紀歷茲辰投分敦遊處况事兼年德宴交無爾
汝中歲多乖違由來難具敘及君相藩牧伊余客
梁楚出國乃參差會歸同處所以茲篤惠好何用
忘羈旅重得申平生何年更睽阻籠禽恨跼促逸
翮超容與餞道出郊垆把袂臨洲渚長飈落江樹
秋月照沙漉遠送子應歸棹開帆欲舉離舟懼未
極別至悲無語安得生羽毛從君入宛許

送韋司馬別

送別臨曲渚征人幕前侶離言雖欲繁離思終無
緒憫憫分手畢蕭蕭行帆舉舉帆越中流望別上

言終
卷之二十一
高樓余起南枝怨子結北風愁邈邈山蔽日洶洶
浪隱舟隱舟邈已遠徘徊落日晚歸衢並駕奔別
館空筵卷想子歛眉去知余銜淚返銜淚心依依
薄暮行人稀曖曖入塘港蓬門已掩扉簾中看月
影竹裏見螢飛螢飛不息獨愁空轉側北窻倒
長簾南鄰夜聞織棄置勿復陳重陳長歎息

南還道中送贈劉諮議別

一官從府役五稔去京華遽逐春流返歸帆得望
家天末靜波浪日際歛煙霞岸薺生寒葉村梅落

早花遊魚上急水獨鳥赴行楂目想平陵栢心憶
青門瓜曲陌背通垣長墟抵狹斜善鄰談穀稼故
老述桑麻寢興從閒逸視聽絕喧譁夫君日高興
爲樂坐驕奢室墮傾城佩門交接憶車入塞長雲
雨出國暫泥沙握手分岐路臨川何怨嗟

答何記室

劉孝綽

遊子倦飄蓬瞻徒杳未窮晨征凌迸水暮宿犯
頽風出洲分去燕向浦逐歸鴻蘭芽隱陳葉荻
苗抽故叢忽憶園間柳猶傷江際楓吾生棄武

言
卷之二十
十一
騎高視獨辭雄旣殫孝王產兼傾卓氏僮罷籍
睢陽圍陪謁建章宮紛余似鑿枘方圓殊未工
黑貂久自弊黃金屨已空去辭追楚穆還耕偶
漢馮巧拙良爲異出處嗟莫同若厭蘭臺右見
訪灞陵東

與崔錄事別兼敘携手

去夏余回首言乃重行行今春遊派滋訪子猶武
城暫別年愈半同歸月未盈復道中寒食彌留曠
不平道術旣爲務懽悰苦未并及爾沈痾愈值茲

秋序明石磧沿江靜沙流繞岸清川平看鳥遠水
淺見魚驚逝將窮履歷方欲恣逢迎何言聚易散
鄉棹爾孤征我本倦遊客心念似懸旌聞離常屑
滄是別盡淒清一作情况此忘懷地相愛猶弟兄脉
脉留南浦悠悠返上京欲鑷星星鬢因君示友生

別沈助教

可憐玉匣劍復此飛鳧舄未覺愛生憎忽見雙成
隻一朝別笑語萬事成疇昔道道若波瀾人生異
金石願君深自愛共念悲無益

答何郎

沈繇

歡憾遞來事聚散居常理但傷膠投漆忽作弦
離矢形影一東西山川俄表裏執手涉梁上悲
心萬端起方同兒女泣况此流潮水

與沈助教同宿湓口夜別

我爲潯陽客戒旦乃西游君隨春水駛雞鳴亦動
舟共泛湓之浦旅泊次城樓華燭已消半更人數
唱籌行人從此別去去不淹留

與蘇九德別

宿昔夢顏色咫尺思言偃疑作宴何况杳來期各在
天一面踟躕暫舉酒倏忽不相見春草似青袍秋
月如團扇三五出重雲當知我憶君萋萋若被逕
懷抱不相聞

贈韋記室黯別

故人儻送別停車一水東去帆若不見試望白雲
中促膝今何在銜杯誰復同水夜看初月江晚泝
歸風無因生羽翰千里暫排空

初發新林

言終
卷之二
伊昔負薪暇慕義游梁楚短翮忘連翮追飛散容
與優游沐道教漸漬淹寒暑大德本無酬輕生竊
自許舟歸屬海運風積如鵬舉浮水暗舟艫合岸
喧徒侶凜凜窮秋暮初寒入洲渚鏡吹響清江懸
旗出長嶼危檣迥不進杳浪高難拒回首泣親賓
中天望宛許帝城猶隱約家園無處所去矣方悠
悠含意將何語

渡連圻二首

此山多靈異峻岨實非恒泱流自洄糾激瀨視奔
騰懸崖抱竒崛絕壁駕峻嶒磳磳上爭險岵岵下
相崩百年積死樹千尺掛寒藤詭怪終不測迴沈
意難登願欲書聞見聊以寄親朋

連圻連不極極望在雲霞絕壁無走獸窮岸有盤
楂糾紛上巖嵒穿豁下巖芽魚遊若擁劍猿掛似
懸瓜陰岸生駮蘚伏水拂澄沙客子行行倦年光
處處華石蒲生促節巖樹落高花暮潮還入浦夕
鳥飛向家寓目皆鄉思何時見狹斜

下方山

言終
卷之二十一
十四
寒鳥樹間響落星川際浮繁霜白曉岸苦霧黑晨
流鱗鱗逆去水瀾瀾急還舟望鄉行復立瞻途近
更修誰能百里地縈繞千端愁

入東經諸暨縣下浙江作

疲身不自量溫腹無恒擬未能守封植何能固廉
恥一經可人言三冬徒戲爾虛信蒼蒼色未究冥
冥理得彼既宜然失之良有以常言厭四壁自覺
輕千里日夕聊望遠山川空信美歸飛天際沒雲
霧江邊傍一作起安邑乏主人臨邛多客子鄉鄉自

風俗處處皆城市所見無故人含意終何已

還渡五洲

我行朔已晦泝水復沿流戎傷初不辨動默自相
求睠言還九派迴艫出五洲蕭散煙霧晚淒清江
漢秋沙汀暮寂寂蘆岸晚修修以此南浦夜重此
北門愁方圓既齟齬貧賤豈怨尤

春夕早泊和劉諮議落日望水

旅人嗟倦遊結纜坐春洲日暮江風靜中川聞棹
謳草光天際合霞影水中浮單艫時向浦獨檝乍

言終
卷之二十一
十五
乘流變童泣垂釣妖姬哭盪舟客心自有緒對此
空復愁

太子泐落日望水

劉孝綽

川平落日迴落照滿川漲復此淪波地派別引
沮漳耿耿流長脉熠熠動微光寒鳥逐查漾饑
鶉拂浪翔臨泛自多美况乃還故鄉榜人夜理
檝櫂女閨成粧欲待春江曙爭塗向洛陽

和劉諮議守風

蕭旬苦凌亂揆景候阡陌晝想汝陽津夜夢邯鄲
驛憤風急驚岸屯雲仍觸石蕭條疾帆流碓礪衝
波白息榜已云久維梢晨已積蒼蒼極浦潮杳杳
長洲夕本慙飲飛劍寧慕澹臺壁織羅若不
余中上澤

櫟口守風

劉孝綽

春心已應豫歸路復當歡如何此日風霾曠駭
波瀾倏見搖心慘俄瞻鄉路難賴有同舟客移
宴息層巒萃茵籍初卉芳樽散緒寒詭浪雖云
善江流苦未安何由入故園詎卽紉新蘭寄謝

浮丘子暫欲假飛鸞

宿南洲浦

幽棲多暇豫從役知辛苦解纜及朝風落帆依暝
浦違鄉已信次江月初三五沉沉夜看流淵淵朝
聽鼓霜洲渡旅鴈朔颺吹宿莽夜淚坐淫淫是夕
偏懷土

學古贈丘永嘉征還

龍馬魚腸劍躡蹠起風塵結客葱河返喧喧動四
隣入墟猶憶舊覓巷復疑新窺見應門出遙識下
機人相悲淚欲下離別方自陳

和蕭諮議岑離閨怨

曉河沒高棟斜月半空庭窻中度落葉簾外隔飛
螢含悲玉臺作情下翠帳掩泣玉臺作涕閉金屏昔期今未
返春草寒復青思君無轉易何異北辰星

嘲劉郎

玉臺作嘲
劉諮議

房櫳滅夜火窻戶映朝光妖女褰帷去躡蹠初下
牀雀釵橫曉鬢蛾眉艷宿粧稍聞玉釧遠猶憐翠
被香寧知早朝客差池已鴈行

詠照鏡

朱簾旦初捲綺機晨未織玉匣開鑑影寶臺靜臨
飾對影獨含笑看花時轉側聊為出顰眉試染天
桃色寶釵若可間金鈿畏相逼蕩子行未歸啼粧
坐沾臆

擬青青河畔草轉韻體為人作其人識節

工歌

春蘭一作日應好折花望遠道秋夜苦復長抱枕

向空牀吹臺一作下促節不言於此別歌筵掩團

扇何時一相見絃絕猶依軫葉落纔下枝卽此雖

云別方我未成離

學古三首

樂府作長安少年
行止載前一首

長安美少年羽騎暮連翩玉羈瑪瑙勒金絡珊瑚
鞭陣雲橫塞起赤日下城圓追兵待都護烽火墮
祁連虎落夜方寢魚麗曉復前平生不可定空信
蒼浪天

鞏洛上東門薄暮川流側渾渾車馬道行人不相
識日夕棲鳥遠浮雲起新色寸心空延佇對面何

由卽飛輪倘易去易去因風力

昔隨張博望辭帝長楊宮獨好西山勇思爲北地

雄十年事河外雪一作鬢別關中季月邊秋重嚴

野散寒蓬日隱龍城霧塵起玉關風全狐君已復

半菽我猶空欲因上林鴈一見平陵桐

美聊作百一體

靈轍困桑下於陵拾李螬歷齒方嗟賤炙背豈知
豪傭耕乏旅力倚市憚劬勞曠日無豆飭方冬缺
緼袍清旦開蓬葦舉目想煎熬樞機慎僕隸媒蘖
畏朋曹萬途皆自僻一事豈他褒匆匆昨不定負
杖出蓬蒿逢施同溝壑值設乃糠糟生途稍冉冉
逝水日滔滔咸言等木石誰當出羽毛

早朝車中聽望

詰旦鍾聲罷隱隱禁門通遽車響北闕鄭履入南
宮宿霧開馳道初日照相風胥徒紛絡驛騶御或
西東暫喧耳目外還保性靈中方驗遊朝市此說
不爲空

臨行公車

言終
卷之二十一
擾擾排曙扉鱗鱗驅早駕禁門儼猶閉嚴城方警
夜道勝多增榮拙薄終難化以茲畎澮質重與滄
溟舍纚舟去濁河揆景辭清灞平生多意緒懷抱
皆徂謝念此將如何撫心獨悲咤

秋夕歎白髮

絲白不難染蓬生直易扶唯見

此一作

星星鬢獨與

衆中殊昔年十四五率性頗廉隅直是安被褐非
敢慕懷珠何言志事晚疲拙嬰殊軀逢時乃倏忽
失路亦斯須郊郭勤二頃形體憇一廡涸蚌困魚

目籠禽觸四隅宵長壁立靜廓處謝謹愉月色臨
窻樹蟲聲當戶樞飛蛾拂夜火墜葉舞秋株逐物
均乘鶴違俗等雙鳧故人倘未棄求我谷之嶠

一作

夜夢故人

客心驚夜魂言與故人同開簾覺水動映竹見牀
空浦口望斜月洲外聞長風九秋時未晚千里路
難窮已如臃腫木復似飄飄蓬相思不可寄直在
寸心中

詩經 卷之二十一
從主移西州寓直齋內霖雨不晴懷郡中

遊聚

寓直慚虎賁沉迷豈職事
祈祈寒枝動濛濛秋雨
駛不見眼中人空想山南寺
雙桐傍欄上長楊夾
門植夙昔構良遊接膝同
謹志東西忽爲阻向隅
懷獨思颯颯履聲喧擾擾
群分異臥聞復雷響坐
視重扃秘欲寄一行書
何解三秋意

劉博士江丞朱從事同顧不值作詩云爾
故人篤久要新知從暮室
崎嶇枉道過邂逅幽人

出心期不會面懷之成首疾
向夕敞山扉臨窻玩
餘帙蜘蛛正網戶落花紛入膝
浸淫水上風蔽虧
霞中日良辰一携手住坐無儔匹
劉侯務屬書江
生勤下筆朱君博辭理去去追名實
是顧一參差
何能更蓬華吾人少拘礙得性便遊逸
方欲俟褰裳相從謹道術

春暮喜晴酬袁戶曹苦雨

振衣喜初霽褰裳對晚晴
落花猶未捲時鳥故餘
聲春芳空悅日游客反傷情
鄉園不可見江水獨

言終
卷之三
自清願得同携手歸望對都城

苦熱

樂府作苦熱行

昔聞草木焦今窺

一作覩

沙石爛暄暄風逾靜曛曛

日漸肝習靜悶

一作悶

衣巾讀書煩几案臥思清露

浥坐待高星燦蝙蝠戶中飛蟻蠓窻間亂實無河
朔飲空有臨淄汗遺金不自拾惡木寧無榦願以
三伏晨催促九秋換

七夕

仙車駐七襄鳳駕出天潢月映九微火風吹百和

香來歡暫巧笑還淚已沾裳

一作啼粧

依稀如洛汭條

忽似高唐別離未得語河漢漸湯湯

詠早梅

一云揚洲法曹梅花盛開

兔園標物序驚時最是梅銜霜當路發映雪擬寒
開枝橫卻月觀花繞凌風臺朝酒長門泣夕駐臨
邛杯應知早飄落故逐上春來

行經孫氏陵

昔在零陵厭神器若無依逐兔爭先捷倚鹿競因
機呼喻開伯道叱咤掩江畿豹變分竒略虎視肅

言系 卷之二
我威長蛇蚺巴漢驥馬絕淮淝交戰無內禦重門
豈外扉成功舉已棄凶德愎而違水龍忽東驚青
蓋乃西歸竭來已易一作永久年代曖微微苔石疑
文字荆墳失是非山鶯空曙響隴月自秋暉銀海
終無浪金鳧會不飛聞寂今如此望望沾人衣

塘邊見古塚

行路一孤墳路成墳欲毀空疑年代積不知陵谷
徙幾逢一作秋葉黃驟見春流瀰金蠶不可織玉
樹何時蓋陌上驅馳人笑歌自侈靡今日非明日

所念誰憐此

哭吳興柳惲

南州擅荆梓上國稱羽儀伊人以戴德李公傷在
期遠識內無愠淡裏外有規一作清文窮麗則弘

論盡高竒多能誠所貴小善聊復爲百步均射葉
八體妙臨池曲悟同神解龜謀信有知入朝耿長
劍出牧盛層麾納言信加首豐貂亦在移霞區兩
借寇貪泉一舉卮翰飛矯未極朝露溘先危以茲
舊館想况乃西日垂蔓草生車轍枯木臥崩坻樽

酒誰為滿靈衣空自披眷言尋惠好慟哭悲路岐
含毫徒有屬搦管竟無摛

詩紀卷之八十三 終

詩紀卷之八十四

梁二十一

何遜 二

登禪岡寺望和虞記室

南望南郭門拱樹稍雲密北窻北溱 一作道重樓

霧中出接樹隱高蟬交枝承落日光陰不可捨懷

抱何由悉

答高博士

北窻涼夏首幽居多卉木飛蜨 一作弄晚花清池

言終
卷之二十一
映踈竹爲宴得快性安閒聊鼓腹將子厭囂塵就
余開耳目

寓居公廨懷何秀才
高爽

寄止鄰城闕徒然失遊聚臥聞雜沓路坐對空
寂宇風扉乍開闔粉蝶時翻舞若人不在茲煩
憂何得愈

贈王左丞

僧孺

欄外鶯啼罷園裡日光斜游魚亂水葉輕燕逐風
花長墟上寒靄曉樹沒歸霞九華暮已隱抱鬱徒

交加

敬酬王明府

僧孺

星稀初可見月出未成光澄江照遠火夕霞隱連
檣賤軀臨不測玉體畏垂堂念別已零淚况乃思
故鄉

西州直示同員

日長禁戶倦卽事思短晨漏盡唱聲急此理復傷
人矛盾交爲論光璧帶成珍誓將收飲啄得得任
心神

野夕答孫郎擢

山中氣色滿墟上生煙露杳杳星出雲啾啾雀隱
樹虛館無賓客幽居乏謹趣思君意不窮長如流
水注

贈何郎

孫擢

幽居少怡樂坐靜對嘉林晚花猶結子新竹未
成陰夫君阻清切可望不可尋處處多護草賴
此慰人心

石頭答庾郎丹

高樹蔭樓密細草綠成被黃鸝隱葉飛蛺蝶縈空
戲陰岑自爾悅寂寥余罕寄相如阻禁闈何由從
簡易

日夕出富陽浦口和朗公

客心愁日暮徙倚空望歸山煙涵樹色江水映霞
暉獨鶴凌空一作風逝雙鳧出浪飛故鄉千餘里茲

夕寒無衣

臨行與故游夜別

文苑英華作從鎮
江州與故游別

歷稔共追隨一旦辭群匹復如東注水未有西歸

詩經 卷之三十一
三
日夜雨滴空堦曉燈暗離室相悲各罷酒何時同
一作 更 促膝

與胡興安夜別

居人行轉軾客子暫維舟念此一筵笑分爲兩地
愁露濕寒塘草月映清淮流方抱新離恨獨守故
園秋

車中見新林分別甚盛

金谷賓遊盛青門冠蓋多隔林望行幘下阪聽鳴
珂於時春未歇麥氣始清和還入平原逕窮巷可

張羅

曉發

早霞麗初日清風消薄霧水底見行雲天邊看遠
樹且望泂泂劇暫有江山趣疾兔聊復起爽地豈
能賦

慈姥磯

集作慈姥磯聯句

暮煙起遙岸斜日照安流一同心賞夕暫解去鄉
憂野岸平沙合連山遠霧浮客悲不自已江上望
歸舟

言終
卷之三十一
見征人分別

淒淒日暮時親賓俱竚立征人拔劍起兒女牽衣
泣候騎出蕭關追兵赴馬邑且當橫行去誰論裹
屍入

同虞記室登樓望遠歸

登樓欲望遠遙遙見白衣白衣猶遠遠言是稍知
非對窻看寶瑟入戶弄鳴機無令日光晚門閣掩
重扉

與虞記室諸人詠扇

如珪信非玷學月但爲輪機杼靡蕪妾裁縫篋笥
人搖風入素手占曲掩朱唇羅袖幸拂拭微芳聊
可因

看伏郎新婚

霧夕蓮出水霞朝日照梁何如花燭夜輕扇掩紅
粧良人復灼灼席上自生光所悲高駕動環珮出
長廊

詠娼婦

曖曖高樓暮華燭帳前明羅帷雀釵影寶瑟鳳雛

聲庭花枝上發新月霧中生誰念當窻牖相望獨
盈盈

詠舞

一作詠妓

管清羅薦合絃驚雪袖遲逐唱迴纖手聽曲轉娥
眉凝情眇墮珥微睇託含辭日暮畱嘉客相看愛
此時

望新月示同羈

初宿長淮上破鏡出雲明今夕千餘里雙蛾映水
生的的與沙靜灑灑逐波輕望鄉皆下淚非我獨
傷情

詠春雪寄族人治書思澄

可憐江上雪迴風起復滅本欲映梅花翻悲似玉
屑朝鶯日弄響暮條行可結咸言不適時安知非
矯節

和司馬博士詠雪

凝堦夜似月拂樹曉疑春蕭散忽如盡徘徊已復
新暫蔽卷紈質復慙施粉人若逐微風起誰言非
玉塵

詠白鷗兼嘲別者

可憐雙白鷗朝夕水上游玉臺作浮何言異棲息雌住

雄不畱孤飛出淑浦獨宿下滄洲東西從此別影

響絕無由

行經范業村故宅

旅葵應蔓井荒藤已上扉寂寂空郊暮無復車馬

歸湫灩故池水滄茫落日暉遺愛終何極一作閒寂今如

此行路獨沾衣

王尚書瞻祖日

昱昱丹旄振亭亭素蓋立金鐸謹已鳴龍輓將復

入華臺日未徙荒墳路行濕已矣將何如賓馭皆

洒泣

送褚都曹聯句

君隨結客去我乃倦遊歸本願同栖息今成相背

飛

送司馬入五城聯句

隨風飄岸葉行雨暗江流居人會應返空欲送行

舟

邊城思

柳黃未吐葉水綠半含苔
春色邊城動客思故鄉
來

為人妾思二首

竟銷形已去釵落猶依枕
欲去淚無背不看悲復
甚

機中刺繡所窻下朝粧處未憶神已傷
欲忘悲不去

為人妾怨

玉臺怨
作思

燕戲還簷際花飛落枕前
寸君不見拭淚坐調

絃

閨怨二首

玉臺作
秋閨怨

竹葉響南窻月光照東壁
誰知夜獨覺枕前雙淚
滴

閨閣行人斷房櫳月影斜
誰能北窻下獨對後園

花

集作誰知北窻
下猶對後庭花

苑中

玉臺作
南苑

苑門闢千扇苑戶開萬扉
樓殿聞珠履竹樹隔羅

衣

苑中見美人

一作聯句

羅袖風中捲玉釵
林下耀團扇承落花
復持掩餘笑

詠春風

可聞不可見
能重復能輕
鏡前飄落粉
琴上響餘聲

離夜聽琴

別離既有緒
琴瑟反成悲
美人多怨態
亦復慘長

眉

相送

客心已百念
孤遊重千里
江暗雨欲來
浪白風初起

擬古三首聯句

家本青山下
好上青山上
青山不可上一上
一惆

悵

遜

匣中一明鏡
好鑑明鏡光明鏡
不可鑑一鑑

一情傷

范雲

少知雅琴曲
好聽雅瑟聲
雅琴不可聽

一聽一沾纓

劉孝綽

往晉陵聯句

臨別我傷悲送歸子自適劉金不可散卜蓋何由
惜遜從來重分陰未曾輕尺璧故任情一異於是
望三益高爽爾自高樓寢余返東臯陌寄語落毛人
非復平原客遜問舍且求田音亂無可擇勝門成
好事盤紆欲何索爽

范廣州宅聯句

洛陽城東西却作經年別昔去雪如花今來花似
雪雲濛濛夕煙起奄奄殘暉滅非君愛滿堂寧我

安車轍遜

相送聯句

寸陰常可惜別至倍傷神子瞻天際水余望路中

塵韋憫憫岐路側去去平生親一朝事千里流涕

向三春遜

二

昔共入門笑今成送別悲君還舊聚處為我一嘔

眉王江乘於今還促膝自此客江湄願子俱停駕看

我獨解維遜

高軒雖駐軫餘日久無輝以我辭鄉淚沾君送別

衣遜

至大雷聯句

高談會良夕滿酒對羈情閔閔風煙動蕭蕭江雨

聲遜

密雲窮浦暗飛電遠洲明若非今宴適詎使

客愁輕劉孺遙舟似連鴈遠火若迴星江潭望如此

銜卮共君傾桓季圭

賦詠聯句

弊履常決踵眉高起半額曼倩爾何為獨歎長安

索遜

工商既慚巧農士聊相易蠲腹有餘資鴻眉

方可拍江革攝職媿握蘭濫官悲執戟連章既不敏

高談豈能劇孺

逸翮任奮飛窘步事羈勒還鳥余

能繫流言爾無惑革憂懷乃千載永歡常數刻直

是悲別離非關念通塞遜

日照汀沙素山影波浪

黑爾限大江南余歸茂陵北孺

臨別情多緒送歸涕如霰君望長安城余悲獨不

言
卷之五
十一
見遜爾來同去國余歸方異縣懷別心獨憂手淚

方濺濺孺

增新曲相對聯句

酒闌日隱樹上客請調絃嬌人挾瑟至逶迤未肯

前劉孝勝舊愛今何在新聲徒自憐有曲無人聽徒

倚高樓前何澄徘徊映日照轉側被風吹徒爲相思

響傷春君不知劉綺月昏樓上坐含悲望別離已切

空牀怨復看花柳枝遜

照水聯句

插花行理鬢遷延去復歸雖憐水上影復恐濕羅

衣遜臨橋看黛色映渚媚鉛暉不顧春荷動彌畏

小禽飛綺

折花聯句

笑出春園裏望花聯褰纈欲以閒珠鈿非爲相思

折遜日照爛成綺風來聚疑雪試采一枝歸願持

因遠別綺

搥扇聯句

紈扇已新製蕩婦復新粧欲掩羞中笑還飄袖裏

香遜在握時搖動當歌掩抑揚誰云減羅袂影日
聊自障綺

正釵聯句

竹臺歸欲礙花林出未通度簪先分影轉珥忽瞻
風遜雙橋耀寶鈿闐闐密復叢羞令挂集作桂纓闕

整挿補餘空綺

贈何記室聯句不成

江革

龍鱗無復彩鳳翅於茲鍛疇昔似翩翩今辰何

乙乙

何答

日余乏文幹逢君善草札工拙既不同神氣何由
拔

又贈

江革

刻猴雖言巧辯對今知章且欣共卮酒勿道濫
衣裳

又答

棘端雖非譬至妙安可量要知同罔象然始見毫
芒

詠雜花 見藝文類聚

井上發新花誰言不經染已如薄紫拂復似濃紅
點狀錦無裁縫依霞有舒歛 闕

詩紀卷之八十四 終

詩紀卷之八十五

梁二十二

蕭子範 字景則齊高帝之孫豫章王嶷之子永明中封岐陽侯拜太子洗馬梁天監初

位司徒主簿累遷南平王從事中郎復為臨賀王長史簡文即位召為光祿大夫

羅敷行

城南日半上微步弄妖姿含情動燕俗顧景笑齊
眉不憂桑葉盡還憶畏蠶饑春風若有顧惟願落
花遲

夏夜獨坐

言終
卷之三
節序值徂炎茲宵在三伏憑軒佇涼氣中筵倦煩
燠寂寞對空窻清踈臨夜竹蟲音亂堦草螢光繞
庭木簾月度斜輝風光起餘馥一傷年志罷長嗟
逝波速

東亭極望

晚流稍東急暝景促西暉水鳥啣魚上蓮舟拂芰
歸郊原共超遠林野雜依非從君採蘿萑寧復想
輕肥

春望古意

光景斜漢宮橫梁照采虹春情寄柳色鳥語出梅
中氛氲閨裏思逶迤水上風落花徒入戶何解妾
牀空

望秋月

河漢東西陰清光此夜出入帳華珠被斜筵照寶
瑟霜慘庭上蘭風鳴簷下橘獨見傷心者孤燈坐
幽室

落花

綠葉生半長繁英早自香因風亂胡蝶未落隱鸝

黃飛來入斗帳吹去上牙牀非是迎冬質寧可值
秋霜

夜聽鴈

天月廣庭輝遊鴈犯霜飛連翩辭朔氣嘹唳獨南
歸夜長寒復靜燈光暖欲微悽悽不可聽何況觸
愁機

後堂聽蟬

試逐微風遠聊隨夏葉繁輕飛避楚雀飲露入吳
園流音繞叢藿餘響切高軒借問邊城客傷情寧

可言

入元襄王第

伏軾窺東苑收淚下玉橋昔時方轂處於今共寂
寥夾池猶裊裊仙榭尚迢迢一同西靡栢徒思芳
樹蕭

和蕭子範入元襄王第

王筠

昔入睢陽苑連步披風雲今遊故臺處回望閒
無人皓壁畱餘篆蕙圃有餘芬行人皆隕涕何
獨孟嘗君

蕭子顯

字景暢子範弟好學工屬文七歲封寧都縣侯梁天監初遷邵陵王友除黃門

郎兼侍中國子祭酒武帝愛其才以為吏部尚書為吳興太守

日出東南隅行

大明上迢迢陽城射凌霄光照窻中婦絕世同阿
嬌明鏡盤龍刻簪羽鳳凰雕逶迤梁家髻冉弱楚
宮腰輕紈雜重錦薄縠間飛綃三六前年暮四五
今年朝蠶籠拾芳翠桑陌採柔條出入東城里上
下洛西橋忽逢車馬客飛蓋動襜輶单衣鼠毛織
寶劍羊頭鞞丈一作夫疲應對從者輟銜鑣

柱間徒脉脉垣上幾翹翹女本西家宿君自上宮
要漢馬三萬疋夫婿仕嫖姚鞞囊虎頭綬左珥鳧
盧貂橫吹龍鍾管奏鼓象牙簫十五張內侍十八
賈登朝皆笑顏郎老盡訝董公一作超

代美女篇

邯鄲一作章丹暫輟舞巴姬請罷絃佳人淇洧出艷趙
復傾燕繁穠既為李照水亦成蓮朝酤成都酒暝
數河間錢餘光幸未惜一作許借蘭膏空自煎

陌上桑二首

樂府無名氏玉臺作蕭子顯

言終
卷之三十一
日出秦樓明條垂露尚盈蠶饑心自急開奩妝不
成

二 樂府作
王臺卿

令 一作月開和景處處動春心挂筐須葉滿息倦

重枝陰

南征曲

權歌來揚女操舟驚越人圖蛟怯水伯照鷁竦江
神

桃花曲

但使桃花艷得百美人簪何須論後實怨結子瑕

心

樹中草

幸有青袍色聊因翠幄凋雖聞珊瑚蒂非是合歡
條

燕歌行

風光遲舞出青蘋蘭條翠鳥鳴發春洛陽梨花落
如雪河邊細草細如茵桐生井底葉交枝今看無
端雙鷺離五重飛樓入河漢九華閣道暗清池遙

看白馬津上吏傳道黃龍征戍兒明月金波徒照
妾浮雲玉葉君不知思君昔去柳依依至今八月
避暑歸明珠蠶繭勉登機鬱金香蕊特一作香衣
洛陽城頭雞欲曙丞相府中烏未飛夜夢征人縫
狐貉私憐織婦裁錦緋吳刀鄭綿絡寒閨夜被薄
芳年海上水中鳧日暮寒夜空城雀

從軍行

英華作蕭
子雲者非

左角鳴王侵漢邊輕薄良家惡少年縱橫向沮澤
凌厲取山田黃塵不見景飛蓬恒滿天邀功封泥

野竊寵劫

一作拜

祁連春風春月將進酒妖姬舞女

亂君前

烏樓曲應令三首

前二首樂府作元帝
非也元帝別有四首

握中清酒瑪瑙鍾裾邊雜珮琥珀紅欲持寄君心
不惜共指三星今何夕

濃黛輕紅點花色還欲令人不相識金壺夜永詎
能多莫持賒用比懸河

芳樹歸飛聚儔匹猶有殘光半山日莫憚褰裳不

相求漢臯遊女習飛

一作風流

奉和昭明太子鍾山講解

嵩岳基舊宇盤嶺跨南京
 獻心重禪室遊駕陟層
 城金輅徐既動龍驂躍且鳴
 塗方後塵合地迴前
 笳清邈迤因臺榭參差憇羽旌
 高隨閭風極勢與
 元天并氣歇連松遠雲昇
 秋野平徘徊臨井邑表
 裏見淮瀛祈一作折果尊常住渴慧在無生
 暫留石
 山軌欲知芳杜情鞠躬荷嘉慶
 瞻道聞頌聲

侍宴餞陸倕應令

苑詩類選作劉孝威者非

儲皇餞離送廣命傳羽觴
 侍遊追曲水開宴等清
 漳新泉已激浪初卉始含芳
 雨罷葉增綠日斜樹
 影長

春閨思

金羈遊俠子綺機離思妾
 春度人不歸望花盡成
 葉

詠苑中遊人

二月春心動遊望桃花初
 迴身隱日扇却步歛風
 裾

春別四首

簡文元帝同和

言終
卷之三十一
翻鶯度燕雙比翼楊柳千條共一色但看陌上携
手歸誰能對此空相憶

江東大道日華春垂楊挂柳掃輕塵淇水昨送淚
沾巾紅粧宿昔已應新

銜悲攬涕別心知桃花李花任風吹本知人心不
似樹何意人別似花離

幽宮積草自芳菲黃鳥著樹情相依爭風競日常
聞響重花疊葉不通飛當知此時動妾思慙使羅

袂拂君衣

此一首外編
作蕭子雲

蕭子雲

字景喬子顯弟齊建武四年封新浦縣
侯梁天監初遷丹陽郡丞大通三年復

遷臨川內史還除散騎常侍歷侍中國子祭
酒出為東陽太守性沈靜不樂仕進風神閒
曠任性不羣侯
景亂奔晉陵卒

東郊望春訓王建安雋晚遊

金塘綠泉滿上園梨葢落蛺蝶戀殘花黃鶯對妖

一作
餘萼芳菲滿郊甸惠風生蘭薄子家冠葢里我

館幽棲郭綠楊垂長溪便橋限清洛相去能幾許

一水終踈索

贈海法師遊甌山

真心好丘壑偏悅幽棲人忽聞甌山旅萬里自相
親次寥晚霖霽重疊晴雲新秋至蟬鳴柳風高露
起塵動余憶山思惆悵惜荷巾

落日郡西齋望海山

漁舟暮出浦漢女採蓮歸夕雲向山合

浦一作水

鳥

望田飛蟬鳴早秋至蕙草無芳菲故隱天山北夢
想日依依

寒夜直坊憶袁三公

滴滴雨鳴階悒悒茲夜靜風落宣猷樹寒凋承光

屏高帷曉獨垂華燭夜空冷

一作

所思不相見方

知寒漏永

贈吳均

欲知健少年本來最輕黠綠沈弓項縱紫艾刃橫
拔誰持命要寵寧知敵可殺有功終不言明君自
應察

春思

春風蕩羅帳餘花落鏡奩池荷正卷葉庭柳復垂

簷

一作簾

竹栢君自改團扇妾方嫌誰能憐故素終

為泣新縑

蕭子暉

字景光子雲之弟少涉學有文才起家負外散騎侍郎累遷至驃騎長史

春宵

夜夜妾偏棲百花含露低蟲聲繞春岸月色思空

閨傳語長安驛辛苦寄遠西

冬曉

步欄光欲通曙鳥向西東燭滅傳餘氣帷香開曉

風繁花無處盡還銷寒鏡中

應教使君春遊詩

上林看草色河橋望日暉洛陽城閉晚金鞍橫路

歸

蕭鈞

齊高帝子出繼衡陽王性好學善屬文與王智深以文章相賞會濟陽江淹亦遊焉

○按唐書亦有蕭鈞蕭瑀從子也仕至太子率更令

晚景遊泛懷友

此詩類唐人作當為唐蕭鈞也初學記作梁

龍開依御溝鳳轄轉芳洲雲峯初辨夏麥氣早迎

秋山翠餘煙積川平晚照收浪隨文鷁轉渡逐彩

鴛浮風花轉未落巖泉咽不流一辭金谷苑空想

一作竹林遊

詩記

卷之三十三 梁

蕭瑛

字彥瑜蘭陵人少而朗悟有縱橫才辯起家齊太學博士王儉辟為主簿累遷至尚書左丞武帝定京議即引之累遷至侍中特進金紫光祿大夫

和元帝

去丹陽尹尹荊州

妙善有兼姿羣才成大厦奕奕工辭賦翩翩富文雅麗藻若龍雕洪才類河瀉案牘時多暇優游閱典墳儒墨自玄解文史更區分平臺禮申穆兔苑接卿雲軒蓋蔭馳道珠履忽成群德音高下被英聲遠近聞

別蕭諮議前夜以醉乖例今晝由醒敬應

教

落日總行轡薄別在江干遊客無淹期晨川有急瀾分手信云易相思誠獨難之子兩特達伊余日盤桓俟我式微歲共賞階前蘭

餞謝文學

執手無還顧別渚有西東荆吳眇何際煙波千里通春筍一作篁方解籜弱柳向低風相思將安寄悵望南飛鴻

詠鞞應詔

抑揚應雅舞擊節逗和音却馬既云在將帥止思
心南來燕

蕭巡琛之子

離合詩贈尚書令何敬容

南史曰自晉宋以來宰相皆文義自逸敬容獨勤庶務貪恠為時所嗤鄙時蕭琛子巡頗有輕薄才因製卦名離合等詩嘲之亦不屑也

伎能本無取支葉復單貧柯條謬承日木石豈知
晨狗馬誠難盡犬羊非易馴敦頓既不似學步孰
能真寔由素朝典是日蠹彝倫俗化於茲鄙人塗

自此分何敬容字

蕭瑱字文容南蘭陵人武帝時仕為庶子

春日貽劉孝綽英華作蕭子顯者非

澗水初流碧山櫻早發紅新禽爭弄響落葉亂從
風拂筵多軟幹映戶悉花叢誰云相去遠垂柳對
高桐

詩紀卷之八十五終

詩紀卷之八十六

梁二十三

王籍 字文海琅邪臨沂人博涉有才氣為任昉沈約所稱賞天監中除安成王主簿歷餘

姚錢塘令並以放免除湘東王參軍隨府會稽郡還為中散大夫

權歌行

揚舲橫大江乘流任蕩蕩輕橈暮不息復逐夜潮
上時見湘水仙恒聞解佩響

入若邪溪

梁書曰籍除輕車湘東王諮議參軍隨府會稽郡境有雲門天柱山籍嘗遊之

詩紀

卷之三

梁

或累月不反至若邪溪賦詩云蟬噪林
逾靜鳥鳴山更幽當時以為文外獨絕
顏氏家訓曰王籍入若邪溪詩江南以
為文外獨絕物無異議簡文吟詠不能
忘之孝元諷味以為不可復得詩云蕭
蕭馬鳴悠悠旆旌毛傳曰言不諠譁也
吾每歎此解有情致
籍詩生於此意耳

舳舻何汎汎空水共悠悠陰霞生遠岫陽景逐迴
流蟬噪林逾靜鳥鳴山更幽此地動歸念長年悲

倦遊

王暕

酒

字思晦琅邪人儉之子齊明帝時除驃騎
從事中郎天監中歷吏部尚書領國子祭

觀樂應詔

趙瑟含清音秦箏凝逸響參差陳九夏依遲分四
上從風繞金梁含雲映珠網遞奏豈二八繁絃非
一兩幸叨東郭吹側一作陪南風賞忘味信鏗鏘
食和終俯仰輕塵已飛散游魚亦翻蕩恩光實難
遇詠言寧易放

詠舞

從風迴綺袖映日轉花鈿同情依促柱共影赴危
絃

詩紀

卷之三十三

梁

七

王訓

字懷範，諫長子，幼聰警，有識量，文章之美，為後進領袖，為宣城王文學官，至侍中。

度關山

邊庭多警急，羽檄未曾閒。
 從軍出隴坂，驅馬度關山。
 關山恒晻靄，高峯白雲外。
 遙望秦川水，千里長如帶。
 好勇自秦中，意氣本豪雄。
 少年便習戰，十四已從戎。
 昔年經上郡，今歲出雲中。
 遼水深難渡，榆關斷未通。
 折衝一作衝凌絕域，流蓬警未息。
 胡風朝夜起，平沙不相識。
 兵法貴先聲，軍一作兵中自有程。
 逗遛皆一作難贖罪，先登盡一城。
 都護疲詔吏，將軍擅發兵。
 平盧疑縱火，飛鴟畏犯營。
 輕重一為虜，金刀何用盟。
 誰知出塞外，獨有漢飛名。

獨不見

日晚宜春暮，風軟上林朝。
 對酒近初節，開樓蕩夜嬌。
 石橋通小澗，竹路上青霄。
 持底誰見許，長愁成細腰。

奉和同泰寺浮圖

和簡文

副君坐飛觀，城傍屬大林。
 王門雖八達，露塔復千尋。
 重櫺出漢表，層栱冒雲心。
 崑山雕潤玉，麗水瑩

明金懸盤同露掌垂鳳似飛禽月落簷西暗日去
柱東侵反流開睿屬擗翰動神襟願託牢舟返長
免愛河漢

奉和率爾有詠

簡文帝詩云
率爾成詠

殿內多仙女從來難比方別有當窻艷復是可憐
粧學舞勝飛燕染粉薄南陽散黃分黛色薰衣雜
棗香簡釵新輾翠試履逆填墻一朝恃容色非復
守空房君恩若可恃願作雙鴛鴦

應令詠舞

應簡文

新粧本絕世妙舞亦如仙傾腰逐韻管歛衽一作色
聽張絃袖輕風易入釵重步難前笑態千金動衣
香十里傳將持比飛燕定當誰可憐

王泰

字仲通琅邪人僧虔之孫慈之子梁天監
中爲秘書丞歷中書侍郎又爲廷尉卿遷

吏部
尚書

賦得巫山高

迢遞巫山竦遠天新霽時樹交涼去遠草合影開
遲谷溪流響咽峽近猿聲悲只言雲雨狀自有神
仙期

王筠

字元禮一字德柔琅邪人僧虔之孫揖之幼清淨好學與從兄泰齊名歷仕尚書殿中郎累遷太子洗馬中書舍人與殷鈞並以方雅為昭明太子所禮

樂府

有所思

律祖作吳均者非

丹墀生細草紫殿納輕陰曖曖巫山遠悠悠湘水

深徒歌鹿盧劍空貽玳瑁簪望君終不見屑淚且

長

一作吟

陌上桑

人傳陌上桑未曉已含光重重相蔭映軟弱

一作軟軟

自芬芳秋胡始倚馬羅敷未滿筐春蠶朝已老安

得久彷徨

俠客篇

俠客趨名利劍氣坐相矜黃金塗鞘尾白玉飾鈎

膺晨馳逸廣陌日暮返平陵舉鞭向趙李與君方

代興

三婦艷

大婦留芳褥中婦對華燭小婦獨無事當軒理清

曲丈人且安臥艷歌方斷續

雜曲二首

烏還夜已逼蟲飛曉尚賒桂月徒留影蘭燈空結
花

可憐洛城東芳樹搖春風丹霞映白日細雨帶輕
虹

行路難

七言

千門皆閉夜何央百憂俱集斷人腸探揣箱中取
刀尺拂拭機上斷流黃情人逐情雖可恨復畏邊
遠乏衣裳已縵一蠶催衣縷復擣百和薰衣香猶
憶去時腰大小不知今日身短長襦襜雙心共一
袂袍複兩邊作八襍襟帶雖安不忍縫開孔裁穿
猶未達胸前却月兩相連本照君心不照天願君
分明得此意勿復流蕩不如先含悲含怨判不死
封情忍思待明年

楚妃吟

雜言

窻中曙花早飛林中明鳥早歸庭前日暖春閨香
氣亦霏霏香氣漂當軒清唱調獨顧暮含怨復含
嬌蝶飛蘭復熏裊裊輕風入翠裙春可遊歌聲梁

上浮春遊方有樂沈沈下羅暮

詩

侍宴餞臨川王北伐應詔

四言

金版韜英玉牒蘊精帝德乃武王威有征軒習弧
矢夏陳干戚周驚戎車漢馳羽檄我主俊聖千年
踵武德洞十一作千門威加八柱金正圯德水行失
道胡馬南牧戎徒西保荐食伊瀍整居豐鎬金關
一作閣揚塵銅臺茂草命彼膳夫爰詔協律樂賦出
車絃操吉日玉饌駢羅瓊漿泛溢聖德温温賓儀

秩秩

早出巡行矚望山海

以下五言

王生臨廣隰潘子望洪河同軫懷歸思俱興年逝
歌曰余異二子承睫淚滂沱剖符瀛海外結綬層
山阿因心畱惻憫怨已息煩苛繕築循時隙興動
藉民和高門惟壯麗修雉亦駢羅層樓亦攀陟複
道亦經過昧旦清音上風氣入織蘿雲起垂天翼
水動連山波奔濤延瀾汗積翠遠差峩鄉關屢迴
曲還顧杳蹉跎曾微肅肅羽望路空如何

北寺寅上人房望遠岫翫前池

安期逐長往交甫稱高讓遠跡入滄溟輕舉馳昆
閬良由心獨善兼且情由放豈若尋幽棲卽目窮
清曠激水周堂下屯雲塞檐向閑牖聽奔濤開窻
延疊嶂前階復虛泐瀾迤成洲漲雨點散圓文風
生起斜浪游鱗互瀆潏羣飛皆唳吭蓮葉蔓田田
菱花動搖漾浮光耀庭廡流芳襲帷帳匡坐足恣
懷詎思江海上

和衛尉新渝侯巡城口號

簡文帝庾肩吾同賦

閶闔曖已昏鈎陳杳將暮棲鳥城上返一作暄晚雀
林中度屯衛時巡警凝威肆安步閣道趨文昌禁
兵連武庫銅鳥迎早風金掌承朝露杲愚分曉色
睥睨生秋霧維城任寄隆空想靈均賦伊余方病
免丘園保恬素

寓直中庶坊贈蕭洗馬

龍樓實九重薄寒殊復早玉堦泫清露銅池結秋
潦霜被守宮槐風驚護門草之子擅文華縱橫富
辭藻舒錦慙光麗握珠謝竒寶媿予非工文何用

披懷抱

物類志曰護門草出常山取置戶下或有過其門者草必叱之一名百靈草

奉和皇太子懺悔應詔

梁簡文有蒙預懺直疏詩

奉和皇太子懺悔詩仍上皇宸極

聖旨卽

疏降同所用十韻私心慶躍得未曾有招採餘

韻更題鄙拙

一聖智比明帝德光四海荷負誠悠屬度脫實斯

在懺說濟蒙愚推心屏欺殆名僧引定慧朝纓列

元凱還迷依善導反心由真宰和鈴混吹音勝幡

榮雪彩早蒲欲抽葉新篁向舒筴翹勤諒懇到歸

誠信兼倍睿艷似煙霞欄杆若珠琲善誘雖欲繼

含毫愧文彩

和太子懺悔

習惡歸禮懺有過稱能改聖德及羣生唱說信兼

採翹心蕩十惡邈誠銷五罪三縛解智門六塵清

法海超然故無著逍遙新有待

和吳王簿六首

春日二首

日照鴛鴦殿萍生鴈鴛池游塵隨影入弱柳帶風

垂青骹

一作鵑

逐黃口獨

一作別

鶴慘羈雌同衾遠遊

說結愛久相離於今方溘死寧須萱草枝

菴蔬心未發薜蘿葉欲齊春蠶方曳緒新燕正銜泥野雉呼鷓鴣庭禽挾子棲從君客梁後方晝掩春閨山川隔道里芳草徒萋萋

秋夜二首

九重依夜館四壁慘無暉招搖顧西落烏鵲向東飛流螢漸收火絡緯欲催機爾時思錦字持製行人衣所望丹心達嘉客倘能歸

露華初泥泥桂枝行棟棟煞氣下重軒輕陰滿四屋別寵增修夜遠征悲獨宿愁牽翠羽眉淚滿橫波目長門絕往來含情空杼軸

遊望二首

落日照紅粧挾瑟當窻牖寧復歌薜蘿唯聞歎楊柳結好在同心離別由衆口徒設露葵羹誰酌蘭英酒會日杳無期薜蘿安得久

相思不安席聊至狹斜東愁眉倣戚里高髻學城中雙眉偏照日獨蓋好縈風自知心所愛獻賦甘

言終 卷之三十三
泉宮傳聞方鼎食詎憶春閨容

代牽牛答織女

沈約織女贈牽牛詩已見

新知與生別由來儻相值如何一作豈如寸心中一宵

懷兩事歡娛未繾綣倏忽成離異終日遙相望祗

益生愁思猶想今春悲尚有故年淚忽遇長河轉

獨喜涼飈至奔精翊鳳軫織阿警龍轡

苦暑

文苑英華作苦熱

日坂

一作域

散朱雱天隅斂青靄飛飈

一作光

煥南陸

炎津通北瀨繁星聚若珠密雲屯似蓋月至每開

襟風過時解帶

五日望採拾

裁縫逗早夏點畫守初晨綃紈旣妍媚脂粉亦香

新長絲表良節命

一作金

縷應嘉辰結蘆同楚客採

艾異詩人折花競鮮彩拭露染芳津含嬌起斜盼

歛笑動微嚔獻璫依洛浦懷珮似江濱須待恩光

接中夜奉衣巾

奉酬從兄臨川桐樹

伊昔擅羽儀待價龍門垂優游清露點徽

一作微

穆

言終
卷之三十三
十一
惠風吹月上陰陽
翰雲覆死生枝
公子存高尚聊
用影華池棲鸞
旣不重舞鶴復
何施方同散木
爨清響竟誰知

摘安石榴贈劉孝威

中庭有奇樹當戶發
華滋素莖表朱實
綠葉厠紅蕤旣標
太冲賦復見安仁
詩宗生仁壽殿族
代疑

茂河陽湄有美清
淮北如玉又如龜
退書寫蟲篆

進對一作多好辭
我家新置側可求
不難識相望

阻盈盈相思滿胸
臆高枝爲君採請
寄西飛翼

東南射山

阮籍詠懷詩曰東南有射山
汾水出其陽言神仙之事

還丹改客質握髓
駐流年口含千里
霧掌流五色煙瓊
漿汎金鼎瑤池漑
玉田倏忽整龍駕
相遇鳳臺前

春遊

蕤蘭已飛蝶楊柳
半藏鴉物色相煎
蕩微步出東家旣
同翡翠翼復如桃
李花欲以千金笑
迴君流水車

春日

金堤草非舊玉池泉已新風生似羊角雲上若魚
鱗幽閨多怨思停織坐嬌春芳華既零落方作向
隅人

向曉閨情

北斗行欲沒東方稍已晞晨雞初下棲玉臺作
振孫曉

露尚作方霑衣衾稠作錦徒有設信誓作蘭果相違

詎作誰忍開朝鏡羞恨掩空扉

望夕霽帝王集作簡
文帝者非

連山卷亂一作族雲長林息衆籟密樹含綠滋遙峯

凝翠靄石溜正淅潺一作潺湲山泉始澄汰物華方入

賞跂余心期會

和孔中丞雪裏梅花

水泉猶未動庭樹已先知翻光同雪舞落素混一作

冰池今春競時發猶是昔年枝唯有長顛顚對

鏡不能窺

摘園菊贈謝僕射舉

靈茅挺三脊神芝曜九明菊花偏可憇碧葉媚金

言
卷之三十三
十三
英重九惟嘉節抱一應元貞泛酌宜長久聊薦野
人誠

答元金紫餉朱李

六朝詩集作沈約因
初學記相次而誤也

穠華春發彩結實下成蹊潘生詠金谷魏后沈寒
溪逢君重妖麗移翫入崇閨慙無瓊玖報徒用萃

幽棲

詠輕利舟應臨汝侯教

君侯飾輕利搖蕩邁飛雲凌波漾鷁彩汎水渙蛟
文電流已光絕鳥逝復超羣倏忽方千里戀茲岐

路分

詠燈檠

百華曜九枝鳴鶴映冰池朱光本內照丹花復外
垂流暉悅嘉客翻影泣生離自銷良不悔明白願
君知

詠蠟燭

執燭引佳期流影度單帷腫臃別繡被依稀見蛾
眉莢明不足貴焦燼豈爲疑所恐恩情改照君尋
履綦

詩已

和蕭子範入元襄王第

昔入睢陽苑連步披風雲今遊故臺處回望閬無
人皓壁留餘篆蕙圃有餘芬行人皆隕涕何獨孟
嘗君

閨情

月出宵將半星流曉未央空閨易成響虛室自生
光嬌羞悅人夢猶言君在傍

東陽還經嚴陵瀨贈蕭大夫

以下二首文闕

子陵狗高尚超然獨長往釣石宛如新故態依可

想

遊望

晨登黃馬坡遙望白龍堆風威盡撩折路險車輪
摧

詩紀卷之八

終

詩紀

梁

一五

詩紀卷之八十七

梁二十四

劉孝綽

字孝綽本名冉彭城人七歲能屬文梁天監初起家為著作佐郎遷秘書丞甚為武帝及昭明所禮累遷尚書吏部郎坐事左遷臨賀王長史卒孝綽雖負才陵忽前後五免然辭藻為後進所宗

樂府

釣竿篇

以下五言○藝文作劉孝威

釣舟畫彩鷁漁子服冰紈金轄茱萸網銀鈎翡翠竿歛橈隨水脉急漿渡江湍湍長自不辭前浦有

佳期船交橈影合浦深魚出遲荷根時觸餌菱芒
乍罥絲蓮度江南手衣渝京兆眉垂竿自有樂誰
能爲太師

夜聽妓賦得烏夜啼

鷓絃且輟弄鶴操暫停徽別有啼烏曲東西相背
飛倡人怨獨守蕩子殊未歸忽聞生離唱長夜泣
羅衣

銅雀妓

雀臺三五日絃一作歌吹似佳期况復西陵晚松風

吹總帷危絃斷復續妾心傷此時誰一作何言畱客

袂還一作翻掩望陵悲

班婕妤怨

應門寂已閉非復後庭時况在青春日萋萋綠草
滋妾身似秋扇君恩絕履綦詎憶遊輕輦從今一作

徒賤妾辭

三婦艷

大婦縫羅裙中婦料繡文唯餘最小婦窈窕舞昭
君丈人慎勿去聽我駐浮雲

擢歌行

日暮楚江上江深風復生所思竟何在相望徒盈
盈舟子行催棹無所喝流聲

詩

詠風

四言

嫋嫋秋聲習習春吹鳴茲玉樹渙此銅池羅幃自
舉襟袖乃披慙非楚侍濫賦雄雌

侍宴

外編作任昉者
非○以下五言

清宴延多士鴻漸濫微薄臨炎出蕙樓望辰躋茵

閣上征切雲漢俛眺周京洛城寺鬱參差街衢紛
漠漠禁林寒氣晚方秋未搖落皇心重發志賦詩
追並作自昔承天寵於茲被人爵選言非綺綃何
以儷金釧

又

茲堂乃峭嶠伏檻臨曲池樹中望流水竹裏見攢
枝欄高景難蔽岫隱雲易垂邂逅逢休幸朱躡曳
青規丘山不可答葵藿空自知

三日侍華光殿曲水宴

言系
卷之二十四
薰被三陽暮濯袂元巳初皇心睠樂飲帳殿臨春
渠豫遊高夏諺凱樂盛周居復以焚林日丰茸花
樹舒羽觴環堦轉清瀾傍席䟽妍歌巳嘹亮妙舞
復紆餘九成變絲竹百戲起龍魚

三日侍安成王曲水宴

匯澤良孔殷分區屏中縣躡跨兼流采襟喉邇封
甸吾王奄鄴畢析珪承羽傳不資魯俗移何待齊
風變東山富遊士北土無遺彥一言白璧輕片善
黃金賤餘辰屬上一作元巳清被追前諺持此陽瀨
遊復展城隅宴芳洲亘千里遠近風光扇方歡厚
德重誰言薄遊倦

春日從駕新亭應制

旭日輿輪動言追河曲遊紆餘出紫陌迤邐度青
樓前驅掩蘭徑後乘歷芳洲春色江中滿日華巖
上畱江風傳葆吹巖華映采旂臨渦起睿作駟馬
暫停輶侍從榮前阮雍容慙昔劉空然等彈翰非
徒嗟未道

侍宴集賢堂應令

詩紀 卷之二十四 四
北閣時既啓西園又已闢宮屬引鴻鷺朝行命金
碧伊臣獨何取隆恩徒自昔布武登玉墀委坐陪
瑤席綢繆參宴笑淹畱奉觴醕壺人告漏晚煙霞
起將夕反景入池林餘光映泉石

侍宴餞庾於陵應詔

皇心眷將遠帳餞靈芝側是日青春獻林塘多秀
色芳卉疑綸組嘉樹似雕飾遊絲綴鶯領光風送
綺翼下輦朝既盈畱宴景將昃高辯競談端竒文
爭筆力伊臣獨無伎何用奉吹息

侍宴餞張惠紹應詔

滄池誠自廣蓬山一何峻麗景花上鮮油雲葉裏
潤風度餘芳滿鳥集新條振餞言班俊造光私獎
輒忝徒然謬反隅何以窺重仞

餞張惠紹應令

鮮雲積上月凍雨晦初陽迴風飄淑氣落景煥新
光竹萌始防露桂挺已含芳瑤階變杜若玉沼發
攢蔣聖襟惜岐路曲宴闢蘭堂

侍宴離亭應令

言終
卷之二十四
五
輾轅東北望江漢西南永羽旗映日移鏡吹臨風
警令王愍追送纚舟宴俄頃掩袂眺征雲銜杯惜
餘景首燕徒有心局步何由騁

奉和昭明太子鍾山解講

御鶴翔伊水策馬出王田我后遊祇鷺比事實光
前翠蓋承朝景朱旗曳曉煙樓帳縈巖谷緹組曜
林阡况在登臨地復及秋風年喬柯變夏葉幽澗
潔涼泉停鑿對寶座辯論悅人天淹塵資海滴昭
暗仰燈然法朋一已散笳劍儼將旋邂逅逢優渥

託乘侶才賢摛辭雖並命遺恨獨終篇

和湘東王理訟

馮翊亂京兆廣漢欲兼治豈若兼邦牧朱輪褰素
帷淮海封畿地雜俗良在茲禁姦擿銖兩馭黠震
豺狸

陪徐僕射晚宴

藝文作陪徐僕射晚宴於見宅

夫君追宴喜十日遞來過築室華池上開軒臨芰
荷方塘交密篠對雷接繁柯景移林改色風去水
餘波洛城雖半掩愛客待驪歌

上虞鄉亭觀濤津渚學潘安仁河陽縣詩

昔余筮賓始衣冠仕洛陽無貨徒有任一命忝為
 郎再踐神仙側三入崇賢旁東朝禮髦俊虛薄厠
 才良遊談侍名理搦管創文章引籍陪下膳橫經
 叅上庠誰謂服事淺契闊變炎涼一朝謬為吏結
 綬去承光烹鮮徒可習一作惜治民終未長化雞仰
 季智馴雉推仲康魯恭字此城鄰夏穴櫛蠹茂筠篁
 孝碑黃絹語神濤白鷺翔遨遊佳可望釋事上川
 梁秋江凍雨絕反景照移塘纖羅殊未動駭水忽

如湯乍出連山合時如高蓋張漂沙黃沫聚巖石
 素波揚榜人不敢唱舟子詎能航離家復臨水眷
 然思故鄉中來不可絕奕奕苦人腸泝洄若無阻

謝病反清漳仲康魯恭字

太子泆落日望水見何水部集

川平落日迴落照滿川漲復此一作在淪波地派別
 引沮漳耿耿流長脉熠熠動微光寒鳥逐查漾饑
 鷓拂浪翔臨泛一作流自多美况乃此一作此還故鄉榜
 人夜理檝櫂女闇成粧欲待春江曙爭塗向洛陽

言紀
卷之二十四
七
登陽雲樓

吾登陽臺上非夢高唐客回首望長安千里懷三
益顧帷慙入楚降一作殊私等申白兩沮水潦收昭

一作丘霜露積龍門不可見空慕凌寒柏

夕逗繁昌浦

日入江風靜安波似未流岸迴知舳轉解纜覺船
浮暮煙生遠渚夕鳥赴前洲隔山聞戍鼓傍浦喧
棹謳疑是辰陽宿於此逗孤舟

春山

櫟口守風

見何水部集

春心已應豫歸路復當歡如何此日風霾曠駭波
瀾倏見搖心慘俄瞻鄉路難賴有同舟客移宴息
層巒萃茵藉初卉芳樽散緒寒謔浪雖云善江流
苦未安何由入故園詎卽紉新蘭寄謝浮丘子暫
欲假飛鸞

還渡浙江

季秋弦望後輕寒朝夕殊商人泣紈扇客子夢羅
襦憂來自難遣况復阻川隅日暮愁陰合繞樹噪
寒鳥濛濛江煙上蒼茫沙嶼蕪解纜辭東越接軸

言系
卷之二十四
驚西徂懸帆似馳驥飛棹若驚鳧言歸遊俠窟方
從冠蓋衢

江津寄劉之遴

與子如黃鵠將別復徘徊經過一柱觀出入三休
臺共摘雲氣藻同舉霞紋杯佳人每曉遊禁門恒
晚開欲寄一言別高駕何由來

發建興渚示到陸二黃門

外編作吳均詩
題云酬別非也

扁舟去平樂還顧極川梁猶聞棗下吹尚識杏間
堂洛橋分曲渚官寺隱回塘客行裁跬步卽事已
多傷况復千餘里悲心未遽央

酬陸長史倕

王粲始一別猶且歎風雲况余屢之遠與子亟離
羣如何持此念復爲今日分分悲宛一作如昨弦

望殊揮霍行舟雖不見行程猶可度度君路應遠
期寄新詩返相望且相思勞朝復勞晚薄暮闈人
進果得承芳信殷勤覽妙書畱連披雅韻列洲一作

州財賦總慈山行旅鎮已切臨睨情遽動思歸引
歸歟不可卽前途方未極覽諷欲諉誚研尋還慨

息來喻勗雕金比質非所任虛薄無時用徘徊守
故林屏居青門外結宇灞城陰竹庭已南映池牖
復東臨喬柯貫簷上垂條拂戶陰條開風暫入葉
合影還沈帷屏溽早露階雷擾昏禽衡門謝車馬
賓席簡衣簪雖愧陽陵一作春曲寧無流水琴蕭條
聊屬和寂寞少知音平生竟何托懷抱共君深一
朝四美廢方見百憂侵曰余濫官守因之泝廬久
一作九水接淺原陰山帶荆門右從容少職事疲病
踈僚友命駕獨尋幽淹留宿廬阜廬阜擅高名岩

岩凌太清舒雲類紫府標霞同赤城北上輪難進
東封馬芻驚未若茲山險車騎息逢迎山橫路似
絕徑側樹如傾蒙籠乍一啓磔硤無暫平倚巖忽
迴望援蘿遂上征乍觀秦帝石復憇周王城交峯
隱玉雷對澗距金楹風傳鳳臺瑄雲渡洛賓笙紫
書時不至丹爐且未成無因追羽翮及爾宴蓬瀛
蓬瀛不可託悵然反城郭時過馬鳴院偶憇鹿園
閣既異人世勞聊比化城樂影塔圖花樹經臺總
香藥月殿曜朱旛風輪和寶鐸園援一作垣卽重嶺

階基仍巨壑朝爔

爔一作爔

響薨棟夜水聲帷薄餘景

驚登臨方宵盡談詭談詭有名僧慧義似傳燈遠

師教逾闡生公道復弘小乘非汲引法善招報能

積迷頓已悟爲歡得未曾爲歡誠已往坐臥猶懷

想况復心所積

一親一所

茲地多諧賞惜哉無輕軸更

泛輪湖上可思不可見離念空盈蕩賈生傳南國

平子相東阿優游匡贊罷縱橫辭賦多方才幸同

貫無令絕詠歌幽谷雖云阻煩君計吏過

答何記室

遊子倦飄蓬瞻途杳未窮晨征凌迸水暮宿犯頽

風出洲分去燕向浦逐歸鴻蘭芽隱陳葉荻苗抽

故叢忽憶園間柳猶傷江際楓吾生棄武騎高視

獨辭

一作餘

雄旣殫孝王產兼傾卓氏僮罷籍睢陽

園陪謁建章宮紛余似鑿枘方圓殊未工黑貂久

自弊黃金屨已空去辭追楚穆還耕偶漢馮巧拙

良爲異出處嗟莫同若

一作君

厭蘭臺右見訪灞陵

東

答張左西

相思如三月相望非兩宮持此連枝樹暫作背飛
鴻若人惠思我摘藻蔚雕蟲仙掌方晞露靈鳥正
轉風方假排虛翮相與北山叢

歸沐呈任中丞昉

南史云孝綽天監初為著作郎為歸
沐詩以贈任昉即此詩也昉有答詩

步出金華省還望承明廬壯哉宛洛地佳麗實皇
居虹蜺拖飛閣蘭芷覆清渠圓淵倒荷芰方鏡寫
簪裾白雲夏峯盡青槐秋葉踈自我從人爵瞻兔
屨盈虛殺青徒已汗司舉未云書文昌愧通籍臨

功幸第如夫君多敬愛蟠木濫吹噓時時釋簿領
騶駕入吾廬自唾誠礪硃無以儷璠璣但願長間
暇酌醴薦焚魚

憶虞弟

藝文作
與虞弟

下邑非上郡徒然想二馮余慙野王德爾最聖鄉
風望望餘塗盡悽悽良宴終朝蔬一不共夜被何
由同

淇上戲蕩子婦

桑中始奕奕淇上未湯湯美人要雜佩上客誘明

言終
卷之三四
十一
璫日暗人聲靜微步出蘭房露葵不待勸鳴琴無
暇張翠釵挂已落羅衣拂更香如何嫁蕩子春夜
守空牀不見青絲騎徒勞紅粉粧

愛姬贈主人

臥久疑粧脫鏡中私自看薄黛銷將盡凝朱半有
殘垂釵繞落鬢微汗染輕紈同羞不相難對笑更
成歡妾心君自解挂玉且留冠

爲人贈美人

巫山薦枕日洛浦獻珠時一遇便如此寧關先有
期幸非使君問莫作羅敷辭夜長眠復坐誰知閨
歛眉欲寄同花燭爲照遙相思

遙見鄰舟主人投一物衆姬爭之有客請

余爲詠

河流旣浼浼河鳥復關關落花浮浦出飛雉度洲
還此日倡家女競嬌桃李顏良人惜美珥欲以代
芳管新縑疑故素盛趙茂衰班曳綃爭掩縠搖佩
奮一作奪鳴環客心空振蕩喬枝不可攀

古意

詩經 卷之二十四 十三
燕趙多佳麗，日照紅粧蕩。子十年別羅衣，雙帶長春樓。怨難守玉階，空自傷復對一作此歸飛燕街。泥繞曲房，差池入綺幕。上下傍雕梁，故居猶可念。故人安可忘，相思昏望絕。宿昔夢容光，竟交忽在御。轉側定他鄉，徒然顧枕席。誰與同衣裳，空使蘭膏夜。炯炯對繁霜。

報王永興觀田

重門寂已暮，案牘罷囂塵。輕涼生筍席，微風起扇輪。浮瓜聊可貴，溢酒亦成珍。復有寒泉井，兼以瑩心神。睠彼忘言客，閒居伊洛濱。顧已慙困地，徒知薑桂辛。但願崇明德，無謂德無鄰。

詠有人乞牛舌乳不付因餉檳榔詩

陳乳何能貴，爛舌不成珍。空持渝皓齒，非但汗丹唇。別有無枝實，曾要湛上人。羞比朱櫻熟，詎易紫梨津。莫言帶中久，當看心裏新。微芳雖不足，含咀願相親。

夜不得眠

夜長愁反覆，懷抱不能裁。披衣坐惆悵，當戶立徘徊。

言終
卷之二十四
十四
徊風音觸樹起月色度雲來夏葉依窻落秋花當
戶開光陰已如此復持憂自催

和兄孝綽夜不得眠

劉孝先

夜愁眠不安起望臺南端葉慘風聲異樓空月
色寒笙冷調簧數絃脆上琴難百年行詎幾萬
慮坐相攢誰家有明鏡暫借照心看

望月有所思

秋月始纖纖微光垂步簷腫臃入牀篔簹鬢鑿窻
簾簾螢隱光息簾蟲映光纖玉羊東北上金虎西
南曷長門隔清夜高堂夢容色如何當此時懷情
滿胸臆

校書秘書省對雪詠懷

桂華殊皎皎柳絮亦霏霏詎比咸池曲飄飄千里
飛耻均班女扇羞儷曹人衣浮光亂粉壁積照朗
彤闈鶴鴝搖羽至鴨鷓拂翅歸相彼猶自得嗟余
獨有違終朝守玉署方夜勞石屏未能奏絃綺何
由辨國圍坐銷風露質游聯珠璧暉偶懷笨車是
良知高蓋非旣言謝端木無爲陳巧機

詠百舌

山人惜春暮旭日坐花林復值懷春鳥枝間弄好
音遷喬聲迥出赴谷響幽淡下聽長而短時聞絕
復尋孤鳴若無對百轉似羣吟昔聞屢歡昔今聽
忽悲今聽聞非殊異遲暮獨傷心

侍宴同劉公幹應令

同疑
作擬

副君西園宴陳王謁帝歸列位華池側文雅縱橫
飛小臣輕蟬翼黽勉謬相追置酒陪朝日淹留望
夕霏

賦詠百論捨罪福詩

尋因途乃異及捨趣猶并苦極降歸樂樂極苦還
生豈非輪轉愛皆緣封著情一知心相濁樂染法
流情

賦得照基燭詩刻五分成

南皮弦吹罷終奕且畱賓日下房櫳閣

玉臺
作閉

華燭

命佳人側光全照局迴花半隱身不辭纖手倦羞
令夜向晨

同武陵王看妓

一作武陵王同
蕭長史看妓

燕姬奏妙舞鄭女發清歌迴羞出曼臉送態表嚙
蛾寧殊遇行雨詎減見凌波想君愁日落應羨魯
陽戈

賦得遺所思

遺簪雕玳瑁贈綺織鴛鴦未若華滋樹交枝蕩子
房別前秋已落別後春更芳所思不可寄唯憐盈
袖香

林下映月

明明三五月垂影當高樹攢柯半玉蟾衰葉彰金
兔茲林有夜坐嘯歌無與晤側光聊可書含毫且
成賦

詠素蝶

隨蜂遶綠蕙避雀隱青薇映日忽爭起因風乍共
歸出沒花中見參差葉際飛芳華幸勿謝嘉樹欲
相依

於座應令詠梨花

玉壘稱津潤金谷詠芳菲詎匹龍樓下素蕊映華
一作
屏雜雨疑霰落因風似蝶飛豈不憐飄墜願

入九重闈

秋雨臥疾

賈君徃役少潘生民務稀及此同多暇高臥掩重
闈寂寂桑榆晚滂沱曠不晞電隙時光帳風簾乍

和疑作扉

奉和湘東王應令二首

春宵

春宵猶自長春心非一傷月帶圓樓影風飄花樹
香誰能對雙燕暝暝守空牀

冬曉

冬曉風正寒偏念客衣單臨粧罷鉛黛含淚剪綾
紈寄語龍城下詎知書信難

月半夜泊鵲尾

客行三五夜息棹隱中洲月光隨浪動山影逐波
流

和詠歌人偏得日照詩和周弘正

獨明花裏翠偏光粉上津屢將歌罷扇迴拂影中
塵

詠姬人未肯出

帷開見釵影簾動聞釧聲徘徊定不出常羞華燭明

遙見美人採荷

菱莖時繞釧棹水或沾粧不辭紅袖濕唯憐綠葉香

詠小兒採菱

採菱非採菜日暮且盈舸踟躕未敢進畏欲比殘桃

詠眼

含嬌暇已合離怨動方開欲知密中意浮光逐笑迴

擬古

見何遜集

少知雅琴曲好聽雅琴聲雅琴不可聽一聽一沾纓

詠日應令

弭節馳暘谷照檻出扶桑園葵亦何幸傾葉奉離光

望月

輪光缺不半扇影出將圓
流光照漭漭波動映淪漣

秋夜詠琴

上宮秋露結上客夜鳴幽
蘭暫罷曲積雪更傳聲

聲

賦得始歸鴈

洞庭春水綠衡陽旅鴈歸
差池高復下欲向龍門

飛

元廣州景仲座見故姬一首

雜言。一作代人詠見故

姬

畱故夫不踟躕別待春山上
相看採薜蘿

劉孝儀

字子儀本名潛字孝儀孝綽之弟寬厚有內行舉秀才累遷尚書殿中郎補太

子洗馬陽羨令甚有稱績累官御史中丞出為臨海太守遷都官尚書復為豫州內史侯景逼建業孝儀遣子勵率兵入援及宮城不守失郡卒

從軍行

冠軍親挾射長平自合圍
木落雕弓燥氣秋征鴈肥賢王皆屈膝
幕府復申威何謂從軍樂往返速

詩史

卷之二十四 梁

七

如飛

和昭明太子鍾山解講

詔一作韶

樂臨東序時駕出西園雖窮理遊盛終為

塵俗喧豈如弘七覺揚鸞啓四門夜氣清簫管曉
陣爍郊原山風亂采眊初景麗文轅林開前騎騁
逕曲羽旄屯煙壁浮青翠石瀨響飛奔迴輿下重
閣降道訪真源談空匹泉涌綴藻邁茲繁輕生逢
遇誤竝作輩龍鷓顧已同偏爵何用挹衡樽

和簡文帝賽漢高廟

珪幣崇明祀牲樽禮貴神風驚如集廟光至似來
陳徘徊靈駕入叫咷倡歌新將言非為已致敬乃
祈民多才與多事今古獨為鄰

行過康王故第苑

英華作劉孝威今從初學作孝儀

入梁逢故苑度薛見餘宮尚識招賢閣猶懷愛士
風靈光一超遠衡館亦蒙籠洞門餘舊色其棠畱
故藁送禽悲不去過客慕難窮池竹徒如在林堂
暖已空遠橋隔樹出迴澗隱岸通芳流小山桂塵
起大王風具物咸如此是地感余衷空想陵前劍

徒悲壟上童 一作桐

閨怨

本無金屋寵長作玉階悲一乖西北麗寧復城南

期永巷愁無歇 玉臺作盡 應門閉有時空勞織素巧徒

為團扇詞匡牀終不共何由橫自私

帆渡吉陽洲 孝威同賦

揚帆乘浪華搯鼓要風力近樹儵而遐遙山俄已

逼欲比驚龍掣將頓陽鳥翼客行悲道遠唯須前

路極

詠簫 英率作孝綽今從藝文作孝儀

危聲合鼓吹絕弄混笙篴管饒知氣促釵動覺唇

移蕭 一作仙 史安為貴能令秦女隨

詠織女 藝文作孝威

金鈿已照曜白日未蹉跎欲待黃昏後含嬌渡淺

河

詠石蓮

蓮名堪百萬石姓重千金不解無情物那得似人

心

和詠舞

迴履裾香散飄衫鈿響傳低釵依促管曼睇入繁絃

又和

轉袖隨歌發頓履赴絃餘度行過接手迴身乍斂裾

舞就行

依歌移弱步傍竹艷新粧徐來翻應節亂去反成行

劉孝勝

孝儀之弟歷官邵陵王法曹湘東王記室武陵王長史信義蜀郡太守武陵王

妾薄命

拾遺作孝威者非

馮姜朝汲遠徐吾夜火窮舊井長逢幕隣燈欲未
通五逐無來娉三娶盡凶終離災陽祿觀就廢昭
臺宮乘屯迹雖淑應戚理恒同復傳蘇國婦故愛
在房櫳愁眉歇巧黛啼妝落艷紅織書凌竇錦敏
誦軼繁弓離劍行當合春牀勿怨空

升天行

詩已

卷之三十四

梁

堯攀已徒說湯捫亦安陳欲訪青雲侶正遇丹丘
人少翁俱仕漢韓終苦入秦汾陰觀化鼎瀛洲宴
羽人廣成參日月方朔問星辰驚祠伐楚樹射藥
戰江神閭闔皆曾倚太一豈難親趙簡猶聞樂周
儲固上賓秦皇多忌害元朔少寬仁終無良有以
非關德不鄰

武溪深行

武溪深不測水安舟復輕暫侶一作借莊生釣還滯
鄂君行權歌爭後發譟鼓還前征秦上山川險黔

申木石并

一作水石清

林壑秋籟急猿哀夜月明澄源

本千仞回峯忽萬縈昭潭讓無底太華推削成日
落野通氣日極悵餘情下流曾不濁長邁寂無聲
羞學滄浪水濯足復濯一作沾纓

冬日家園別陽羨始興

孝儀為陽羨令

四鳥怨離群三荆悅同處如今腰艾綬東南各殊
舉且欣棠棣集彌惜光陰遽黠吏本須裁豪民亦
難御願勗千金水思聞五湖譽

詠益智

詩紀
卷之二十四
三十四
挺芳銅嶺上擢穎石門端連叢去本葉雜和委雕
盤寧推不迷草詎減聰明九儻逢公子宴方厭永
夜歡

詩紀卷之八十七 終

詩紀卷之八十八

梁二十五

劉孝威

字孝威孝勝之弟氣調爽逸初為晉安王法曹太清中遷太子中庶子通事舍

人侯景亂孝威於圍中
得出西上至安陸卒

樂府

釣竿篇

英華樂府並作孝
綽○以下五言

釣舟畫彩鷁漁子服冰紈金轄茱萸網銀鈎翡翠
竿斂橈隨水脉急槳渡江湍湍長自不辭前浦有
佳期船交橈影合浦深魚出遲荷根時觸餌菱芒

言紀 卷之二十五
乍習絲蓮度江南手衣渝京兆眉垂竿自有樂誰
能爲太師

隴頭水

從軍戍隴頭隴水帶沙流時觀胡騎飲常爲漢國
羞釁妻成兩劍殺子祀雙鈎頓取樓蘭頭就解郅
支裘勿令如李廣功多遂不酬

一作功遂
不封侯

驄馬驅

十五官

一作官

期門二十屯邊徼犀羈玉鏤鞍寶刀

金錯鞘一隨驄馬驅分受青蠅弔且令都護知願

被將軍照誓使羶衣鄉掃地無遺噍

公無渡河

請公無渡河河廣風威厲檣偃落金烏舟傾沒犀
柁絀蓋空嚴祠白馬徒生祭銜石傷寡心崩城掩
孀袂劍飛猶共水魂沈理俱逝君爲川后臣妾作
江妃娣

塘上行苦辛篇

蒲生伊何陳曲中多苦辛黃金坐銷鑠白玉遂緇
磷裂衣工毀嫡掩袖切讒新嫌成跡易已愛去理

詩經 卷之二十五
難申秦雲猶變色魯日尚迴輪妾歌已腸斷君心
終未親

東西門行

此似應詔
餞贈之作

廣津寒欲歇聯檣密纜收天高匝近岫江濶少方
舟餞淚畱神眷離欵切私儔佇變齊兒俗當傳楚
獻囚徒然頒並命祗恧思如抽

怨詩

退寵辭金屋見譴斥甘泉枕席秋風起房櫳明月
懸燭避窻中影香迴爐上煙丹庭斜草徑素壁黠
苔錢歌起蒲生曲樂奏下山絃新聲昔廣宴餘杯
今日傳王嬙向絕漠宗女入邠連鴈書猶未返角
馬無歸年昭臺有媵御曾坂無棄捐後薪隨復積
前魚誰更憐

採蓮曲

金槳木蘭船戲採江南蓮蓮香隔浦渡荷葉滿江
鮮房垂易入手柄曲自臨盤露花時濕釧風莖乍
拂鈿

小臨海

詩紀

卷之三十五

梁

三

碣石望山海畱連降尊極秦帝枉鈎陳漢家增禮
秩石橋終不成桑田竟難測蜃氣遠生樓鮫人近
潛織空勞帝女填詎動波神色

思歸引

胡地憑良馬懷驕負漢恩甘泉烽火入回中宮室
燔錦車勞遠駕繡衣疲屢奔貳師已喪律都尉亦
銷覓龍堆求援急狐塞請先屯櫪下驅雙駿腰邊
帶兩鞬乘障無期限思歸安可論

一作言

妾薄命篇

去年從越障今歲沒胡庭嚴霜封碣石驚沙暗井
涇玉簪久落髮羅衣長挂屏浴蠶思漆水條桑憶
鄭垞寄書朝鮮吏留釧武安亭勿言戎夏隔但令
心契冥不見豐城劍千祀復同形

鬪雞篇

丹雞翠翼張妬敵復專場翅中含芥粉距外耀金
芒氣踰上黨烈名貴下韝良祭橋愁魏后食跡忌
齊王願賜淮南藥一使雲間翔

結客少年場行

少年本六郡遨遊遍五都
挿腰銅七首障日錦屠
蘇鷲羽裝銀鏑犀膠飾象弧
近發連雙兔高彎落
九烏邊城多警急節使滿郊衢
居延箭箠盡踈勒
井泉石正蒙都護接何由
憚險途千金募惡少一
揮擒骨都勇餘聊蹴鞠戰罷
暫投壺昔爲北方將
今爲南面孤邦君行負弩縣令
且前驅

行行且遊獵篇

之罘講射所上林娛獵場
選徒驕楚客召狩誇胡
王罕車已戒道風烏復起
行飲飛具贈繳材官命
蹶張高且掩月兔勁矢射
天狼蹠地不遑逸排虛
豈及翔日暮勾陳轉風清
鏡吹颺歸來宴平樂寧
肯滯禽荒

雀乳空井中

晉傅玄詩曰鵲巢丘
城側雀乳空井中

遠去條支國心知漢德休

一作優

聊栖丞相府過令

黃霸羞挾子須閒地空井
共尋求轆轤絲綆絕枯
棹冬薜周將憐羽翼張誰
辭各背遊

半渡溪

本厠偏伍伴一戰殄凶渠制賜文犀節驛報紫泥
書入營陳御蓋還家乘紫車皇恩知己重丹心恨
不紆渡瀘且不畏凌溪嗟有餘

獨不見

夫婿結纓簪偏蒙漢寵深中人引臥內副車遊上
林綬染瑯琊草蟬鑄武威金分家移甲第畱妾住
河陰獨寢鴛鴦被自理鳳凰琴誰憐雙玉筍流面
復流襟

行幸甘泉宮歌

漢家迎夏畢避暑甘泉宮棧

一作機

車鳴里鼓駟馬

駕相風校尉烏桓騎待制樓煩弓後旌猶五柞前
笳度九嶼才人豹尾內御酒屬車中輦迴百子閣
扇動七輪風鳴鍾休衛士披圖召後宮材官促校
獵涼秋一作秋來戲射熊

箜篌謠

樂府失名次
劉孝威後

結交在相得骨肉何必親甘言無忠實世薄多蘇
秦從風暫靡草富貴上昇天不見山巔樹摧朽下
爲薪豈甘井中泥上出作埃塵

一云時至
出作塵

詩經
卷之三十五
六
驄馬驅

翩翩驄馬驅橫行復斜趨先救遼城危後拂燕山
霧風傷易水湄日入隴西樹未得報君恩聯翩終
不住

和王竟陵愛妾換馬

驄馬出樓蘭一步九盤桓小史贖金絡良工送玉
鞍龍驂來甚易烏孫去實難麟膠妾猶有請爲急
絃彈

擬古應教一首

七言○樂府作孝威詩題
云東飛伯勞歌英華作簡

文帝非也簡
文別有二首

雙棲翡翠兩鴛鴦巫雲洛月乍相望誰家妖冶折
花枝蛾眉曼睃使情移青鋪綠璫琉璃扉瓊筵玉
筍金縷衣美人年幾可十餘含羞嚙咲歛風裾珠
丸出彈不可追空畱可憐持與誰

鷄鳴篇

以下雜言○藝
文作簡文帝

峙鷄識將曙長鳴高樹巔啄葉疑彰羽排花彊欲
前意氣多驚舉飄揚獨無侶陳思助闔協狸膏郈
昭姒敵安金距丹山可愛有鳳凰金門飛舞有鴛

言系 卷之三十五 七
鴛何如五德美豈勝千里翔

鳥生八九子

城上鳥一年生九雛枝輕巢本狹風多葉早枯
毛不自暖張翼強相呼金柝嚴兮翠樓肅蜃壁光
今椒泥馥虞機衡網不得施猜鷹鷲隼無由逐永
願共棲曾氏冠同瑞周王屋莫啼城上寒猶賢野
中宿羽成翮備各西東丁年賦命有窮通不見高
飛帝輦側遠託日輪中尚逢王吉箭猶嬰后羿弓
豈如變彩救燕質音至入夢祚昭一作周公流聲表師

退集幕示營空靈臺已鑄像流蘇時候風

蜀道難

玉壘高無極銅梁不可攀雙流逆巖道九坂澁陽
關鄧侯策馬度王生歛轡還歛轡懼身尤叱馭奉
王猷若恡千金重誰爲萬里侯戲馬吞珠界揚舲
濯錦流沈犀厭怪水握鏡表靈丘禺山金碧有光
輝遷亭車馬尚輕肥彌想王褒擁節反更憶相如
乘傳歸君平子雲閒不嗣江漢英靈信已衰一作稀

文苑英華辨證曰此篇文苑與類聚同惟郭氏樂府分前五言後七言各爲一首中闕六句今從文

苑為一首

詩

重光詩

并序。以下四言。

重光儲后宣制義也

赫赫重光明明二聖帝作儲述禮和樂正中衢置
樽高堂懸鏡其酌不窮其明逾盛德音孔昭民胥
攸詠明明二聖赫赫重光風神灑落容止汪洋瞻
彼談扇載抑載揚何斯天辯如圭如璋顏閔函席
游夏升堂以卿以士惟公惟王思媚儲后顧哉樂
康芄芄黍苗陰雨膏之詵詵纓冕儲王導之道之
以禮齊之以仁禮則探聖言則窮神訓于四國覃
于萬民

侍宴樂遊林光殿曲水

蒸哉軒頊赫矣堯心女媧補石重華象

一作棄

金湯

羅禹扇羲瑟農琴皇乎備矣受命君臨試舟五反
和樂九成鈞楯秘戲協律新聲丹杯水激縫彩葩
榮天吳還往海若逢迎

奉和簡文帝太子應令

以下五言

太子天下本元良萬國貞周朝推上嗣漢代紀重
明前星涵瑞彩洵雷揚遠聲三善傳樂正百行紀
司成九流遍已辨七經咸所精博聞強子政高才
陵長卿禮尊逾屈已德盛益卑情仙氣貽一作鍾胎
相儒道推栢榮延賢博望苑視膳長安城園綺隨
金輅浮丘侍玉笙智囊前歛笏端士後垂纓九仙
良所重四海更誰傾班輸同策乘甲館齊蓬瀛

三日侍皇太子曲水宴

二龍巡夏代八駿馭周朝豫遊光帝則樂飲盛民

謠皇儲遵洛禊濫觴追灞橋掌袂開神籙司馬動
鑿鑣周旗交采毼晉鼓雜清簫旌宮臨廣隰藻衛
爍巖椒蘭樽沿曲岸靈若泝迴潮

奉和六月壬午應令

玄圃棲金碧靈澗挹琨瑤築山圖碣岫穿池控海
潮雷奔石鯨動水濶牽牛遙乘黿猶怯渡鞭石詎
成橋岸崩下生窟壁峭上干霄噪蛙常獨沸游魚
或自跳荒徑橫臨浦空舟斜插橈愁鳴集古樹白
鷺隱青苗神心重丘壑散步懷漁樵石累元卿徑

言終 卷之二十五 十
枝挂許由瓢伊臣本寂寞由來畏市朝為貪止山
水所競惟逍遙寄言周伯况勞君擅穀綃

登覆舟山望湖北

紫川通太液丹岑連少華堂皇更隱映松灌雜交
加荇蒲浮新葉漁舟繞落花浴童爭淺岸漂女擇
平沙極望傷春日迴車歸狹斜

帆渡吉陽洲

孝儀同賦

江風一作潮凌曉急鉦鼓候晨催幸息榜人唱聊望

高帆開聯村倏忽盡循汀俄頃回疑是傍洲退似

覺前山來將與圖南競誰云勞沂泗

出新林

芒山眠洛邑函谷望秦京遙分承露掌遠見長安

城故鄉已可識遊子必勞情霧罷前林見一作曠風

息涌川平坐觀暮潮落漸見夕煙生無由一羽化

徒想御風輕

郟縣遇見人織率爾寄婦

郟一作郟

妖姬含怨情織素起秋聲度梭環玉動踏躡珮珠

鳴經稀疑杼溢緯斷恨絲輕葡萄始欲罷鴛鴦猶

未成雲棟共徘徊紗窗相向開窻踈眉語度紗輕
眼笑來籠籠隔淺紗的的見粧華鏤玉同心藕一作

帶雜寶連枝花紅衫向後結金簪臨髮斜機頂挂

流蘇機傷垂結珠青絲引伏兔黃金繞轆轤艷彩
裙邊出芳脂口上渝百城交問遺五馬共踟躕直

為閨中人守故不要新夢啼漬花枕覺淚濕羅巾

獨眠真自難重衾猶覺寒逾憶凝脂緩彌想橫陳

歡行驅金絡騎歸就城南端城南稍有期想子亦

勞思羅衣久應罷花釵堪更治新粧莫點黛余還

自畫眉

侍宴賦得龍沙宵明月

鵲飛空繞樹月輪殊未圓嫦娥望不出桂枝稍隱

殘落照移樓影浮光動塹瀾櫪馬悲笳吹城烏啼

塞寒傳聞機杼妾愁余衣服單當秋絡已脆銜啼

織復難斂眉雖不樂舞劍強為歡請謝函關吏行

當封一丸

奉和晚日

虬簷挂珠箔虹梁卷霜綃迷迭涵香長芙蓉逐浪

言
卷之二十五
搖飛輪搏羽扇翻車引落潮
甘泉推激水迎風
慙遠颺寄言王待詔
因聲張子僑
吾君安已樂無勞
誦洞簫

和皇太子春林晚雨

雲樹交爲密
雨日共成虹
雷舒長男氣
枝搖少女風
葉珠隨滴水
簷繩下溜空
蝶濡飛不颺
花沾色更紅
明離信養德
能事畢春宮
誰堪偶鳳吹
唯有浮丘公

行還值雨又爲清道所駐

齊楚磐石貴
韓吳異姓王
俱乘早朝罷
相隨出建章
喧呼驚里閭
叫咷駭康莊
阜騶同隼擊
青橐以用

盛印似鷹揚掖門南北遠
複道東西長
旛旗爭絡繹

官騎鬱相望
微風生
榮傳輕雨潤
帷裳油衣分競

道小蓋列成行
八舍便繁密
五營輿服光
迴車避

司隸俄軒揖
內郎况余白屋士
自依一作休卑路傍

日月雖臨照
仄陋難明敷
早榮羞日及
晚知慙豫

章徒抱凌雲志
終愧摩天翔
安能久淪辱
圖南會

有方

望雨

清陰蕩暄濁飛雨入階廊
瞻空亂無緒望雷耿成
行交枝含曉潤雜葉帶新光
浮芥離還聚沿漚滅
復張浴禽飄落毳風荇散餘香
璃綃挂繡幕象簾
列華牀侍童拂羽扇厨人奉盥漿
內則有漿有盥注盥涼也寄
言楚臺客雄風詎獨涼

苦暑

暮日苦炎溽遷坐接階廊
月麗姮娥影星含織女
光棲禽動夜竹流螢出闌墻
香盤糝鮮粉雕壺承
玉漿白羽徒垂握綠水自周堂
弱紈猶覺重織絺
尚少涼弄風思漢朔戲雨憶吳王
玄冰術難驗赤道漏猶長
誰能更吹律還令黍谷涼

奉和逐涼

鐘鳴夜未央避暑起徬徨
長河似曳素明星若散
璫倚巖欣石冷臨池愛水涼
月織張敞畫荷妖韓
壽香對此遊清夜何勞娛洞房

望棲鳥

夕鳥

鳥一作

飛參差單雄雜寡雌
聯翩歸葉裡出沒

言終
卷之二十五
十四
噪林垂爭棲時易樹驚飛忽度枝雖無繫書重亦
有含纓疲以茲憔悴力重逢輕薄兒珠丸蘇合彈
金繳青絲縻豈意翩翩羽遂免更羸危入懷欣得
地依林竊願知

和簡文帝臥疾

玉躬耗寒暑群望崇珪璧仁祀盛黃縑禮壇優紆
席億均楚疾愈俄同宋年益豈勞誦賦臣寧用觀
濤客

賦得曲澗

澗流急易轉溪竹暗難開近樓俄已失前洲忽復
迴石岸生寒蘚沈根漬水苔菱舟失道去歸鳧迷
徑來

奉和湘東王應令二首

春宵

花開人不歸節暖衣須變迴釵挂反環拭淚繩春
線今夜月輪圓胡兵必應戰

冬曉

妾家邊洛城慣識曉鐘聲鐘聲猶未盡漢使報應

行天寒硯冰凍心悲書不成

詠織女

玉臺初學
並作孝儀

金鈿已照耀白日未蹉跎欲待黃昏至含嬌渡淺

河

七夕穿針

和簡文

縷亂恐風來衫輕羞指現故穿雙眼針持縫合歡

扇

九日酌菊酒

露花疑始摘羅衣似適薰餘杯度不取欲持嬌使

君

賦得鳴棘應令

雜扇雖俱歛交行忿自分轉袖時繞腕揚履自開

裙

和定襄侯初笄

合鬟仍昔髮略髮即前絲從今一梳罷無復更縈

時

古體雜意

朝日大風霜寄事足交傷葉落枝柯淨常自起碁

張

詠佳麗

可憐將可念可念直千金唯言有一恨恨不遂人
心

望隔牆花

隔牆花半隱猶見動花枝當由美人摘詎止春風
吹

枯葉竹

枯楊猶更綠臥柳尚還生勿嫌鳳不至終當待聖

明

和簾裡燭

開關簾影出參差風焰斜浮光燭綺帶凝滴汗垂
花

詠剪綵花

葉舒非漸大花發是初開無論人訝似蜂見也爭
來

同前

朱超

淺深依樹色舒卷聽人裁假令春已度終住手

中開

同前

鮑泉

花生剪刀裡從來訝逼真風動雖難落蜂飛欲
向人不知今日後誰能逆作春

襖飲嘉樂殿詠曲水中燭影

七言

火浣花心猶未長金枝密焰已流芳芙蓉池畔涵
停影桃花水脉引行光

賦得香出衣

雜言

香出衣步近氣逾飛博山登高用鄴錦含情動曆

比洛妃香纓麝帶縫金縷瓊花玉勝綴珠徽蘇合
故年微恨歇都梁路遠恐非新猶賢漢君芳千里
尚笑荀令止三旬

劉孝先

孝威之弟仕為武陵王紀記室承聖中與兄孝勝俱隨紀軍出峽紀敗元帝以

為黃門郎遷侍中

和兄孝綽夜不得眠

夜愁眠不安起望臺南端葉慘風聲異樓空月色
寒笙冷調簧數絃脆上琴難百年行詎幾萬慮坐
相攢誰家有明鏡暫借照心看

草堂寺尋無名法師

飛鏡點青天橫照滿樓前
深林生夜冷複閣上宵
煙葉動花中露湍鳴閨裏
泉竹風聲若雨山蟲聽
似蟬摘果仍荷藉酌水用
花傳一卮聊自飲萬事
且蕭然

和亡名法師秋夜草堂寺禪房月下

幽人住山北月上照山東
洞戶臨松徑虛窻隱竹
叢出林避炎影步逕逐涼
風平雲斷高岫長河隔
淨空數螢流暗草一鳥宿
踈桐興逸煙霄上神閒
宇宙中還思城闕下何異
處樊籠

詠竹

竹生荒野外梢雲聳百尋
無人賞高節徒自抱貞
心恥染湘妃淚羞入上宮
琴誰能制長笛當爲吐
龍吟

春宵

夜樓明月絃露下百花鮮
情多意不設啼罷未歸
眠燉煌定若遠一信動經
年

冬曉

晨霞影翠帷思婦織霜絲輕寒牽杼澁釧冷調梭
遲乍廢倡樓粉貪赴遠人期

劉苞

字孝嘗彭城人好學能屬文起家參軍累遷太子洗馬掌書記自武帝即位引進文學之士苞及從兄孝綽從弟孺並以文藻見知

九日侍宴樂遊苑正陽堂詩

六郡良家子幽并遊俠兒立乘爭飲羽側騎競紛
馳鳴珂飾華眊金鞍映玉羈膳羞殫海陸和齊眊
秋宜雲飛雅琴奏風起洞簫吹曲終高宴罷景落
樹陰移微薄承嘉惠飲德良不貲取効績無紀感

恩心自知

望夕雨

崇朝構行雨薄晚屯密雲緣階起素沫竟水散圓
文河柳低未舉山桃落已芬清罇久不薦淹留遂
待君

劉孺

字孝稚彭城人沈約引為主簿恒為遊宴賦詩甚為梁武所親愛累遷吏部尚書好憂以毀卒謚曰孝

侍宴餞新安太守蕭幾應令

芝殿延藻景畫室寫油雲玄覽多該洽聖思究前

言終 卷之二十五
聞微密探精義優游妙典墳飲餞參多士言贈賦

新文

相逢狹路間

此亦賦別之詩

送君追遐路路狹暖朝霧三危上蔽日九折杳連雲枝交幘不見聽靜吹纔聞豈伊歎道遠亦迺泣
塗分況茲別親愛情念切離羣

劉遵

字孝陵孺之弟也清雅有學行工屬文為

入為皇太子除中庶子卒

度關山

隴樹寒色落塞雲朝欲開谷深輦易響路狹幘難回當知結綬去非是棄繻來行人思顧返道別且徘徊願度關山鶴勞歌立可哀

相逢狹路間

春晚駕香車交輪礙狹斜所恐帷風入疑傷步搖花含羞隱年少何因問妾家青樓臨上路相期竟路賒

蒲坂行

漢使出蒲坂去去往交河間謀敢虧對驂馬脫鳴

珂乍作渡瀘怨何辭上隴歌

和簡文帝賽漢高帝廟

分蛇淪霸迹提劍滅雄威
空餘清祀處無復瑞雲
飛仙車照舟穴霓裳影翠微
投玦要漢女吹管召
湘妃幸逢懷精日豫奉沐休歸

繁華應令

可憐周小童微笑摘蘭蕖
鮮膚勝粉白暎臉若桃
紅挾彈雕陵下垂鈎蓮葉東
腕動飄香麝衣輕任
好風幸承拂枕選得奉畫堂中
金屏障翠帔藍屨

覆薰籠本知傷輕薄含辭羞自通
剪袖恩雖重殘
桃愛未終蛾眉詎須嫉新粧迎

一作入宮

從頓還城應令

漢水深難渡深潭見底清
錦竿繫鳧舸珠竿懸翠
旂鳴笳芳樹曲流唱採蓮聲
神遊不停駕日暮返
連營寧顧空房裡階下綠苔生

應令詠舞

倡女多艷色入選盡華年
舉腕嫌衫重迴腰覺態
妍情繞陽春吹影逐相思
絃履度開裙禡鬟轉匝

詩經 卷之二十五 三
花鈿所愁餘曲罷爲欲在君前

七夕穿針

步月如有意情來不自禁向光抽一縷舉袖弄雙針

四時行生回

七言○見歲時雜詠題上疑有脫誤

三月三日咄泉水七月七日芍陂塘鳳曆蛾眉粧

玉面朱簾繡戶映新粧

劉邈

彭城人曾爲侯景所得景攻臺城不克邈勸景乞和全師景然之

折楊柳

高樓十載別楊柳擢絲枝摘葉驚開駛攀條恨久

離年年阻音息

一作信

月月減容儀春來誰不望相

思君自知

萬山見採桑人

樂府作採桑

倡妾不勝愁結束下青樓逐伴西城

一作郊

路相携

南陌頭葉盡時移樹枝高乍易鈎絲繩挂且脫金

籠寫復收蠶饑日已暮詎爲使君畱

見人織聊爲之詠

纖纖運玉指脉脉正蛾眉振躡開交縷停梭續斷

絲簷花照初月洞口垂朱帷弄機行掩淚翻令織
素遲

秋閨

螢飛綺窗外妾思霍將軍燈前量獸錦簾一作下
織花紋墜露如輕雨長河似薄雲秋還百種事衣
成未暇薰

詩紀卷之八十八終

